



10015


會侯先生文鈔一集

晉安林雲銘西仲

楚黃張希良石甌

評

後學方



黎如文輯重輯

受業

柴世堂陞升

戴熙斐男

全參

梅定九傳

童聚上傳

羅門雙烈婦傳

王烈婦傳

張蔚生公傳

會侯先生文鈔一集

卷十一 目

曾伯祖明齋公傳

曾祖肖環公家傳

伯祖揆思公傳

王父思程公家傳

質甫公傳

四明公傳

景坡公傳

毛孝子傳

會侯先生文鈔一集

遂安毛際可鶴舫著

男

士儀幼範

士儲待旃

全錄

梅定九傳

曩者歲在戊辰余與梅定九先生晤於西湖遂傾蓋定交日載酒賦詩余為題其飲酒讀書圖而別今已卯冬先生自閩中北歸停楫湖墅復枉道訪余西湖邸舍忽忽十餘年兩人鬚鬢盡白幾不能辨識矣問無恙外盡出所著曆學算學書相示且屬為傳曰文鼎覃精於此四十年矣自謂足以闢古人之精思衷曆家之定論而足跡經南北求會侯先生文鈔一集 卷十一 一 巳卯

其人以繼此學尙未得也庶幾藉先生大文以傳使當世

學者知有此事而相與求之乎余惟古人生不立傳然後

此恐相見無期已如隔世而先生之學不可不使人知之

遂不辭而為之傳先生姓梅氏名文鼎字定九江南宣城

人也梅氏自宋以來多聞人先生之父曰傘_{音據}鼎處士改革

後棄諸生服嘗以六十四卦文與春秋二百四十年行事

相比附著書一編謂之周易麟解而尤精象數先生兒時

侍父仰觀星氣輒了然於次舍運旋大意年廿七師事前

代逸民竹冠道士倪觀湖受麻孟璿所藏臺官交倉法卽

為補訂註釋成曆學駢枝四卷竹冠歎服以為智過於師



云。傘。開。故。多。藏。書。益。以。已。所。購。致。凡。數。萬。卷。中。年。喪。妻。更。不。復。娶。枕。藉。簡。帙。以。自。愉。快。而。曆。算。推。步。諸。書。人。不。能。句。讀。者。先。生。讀。之。輒。解。凡。測。算。之。圖。與。器。一。見。得。其。要。領。如。古。者。六。合。三。辰。四。遊。之。儀。以。意。約。爲。小。製。稱。具。體。焉。西。洋。簡。平。渾。蓋。諸。儀。器。以。意。推。廣。皆。爲。之。中。規。矩。又。自。製。月。道。儀。揆。日。測。高。諸。器。皆。自。出。新。意。嘗。登。觀。象。臺。流。覽。新。製。六。儀。及。元。郭。守。敬。簡。儀。明。初。渾。球。指。數。其。中。利。病。皆。如。素。習。而。孳。孳。摻。討。至。老。不。倦。殘。編。散。帙。必。手。抄。之。一。字。異。同。亦。不。敢。忽。尤。虛。懷。善。下。若。舊。臺。官。疇。人。子。弟。及。西。域。官。生。皆。折。節。造。訪。人。有。問。者。亦。詳。告。之。無。隱。故。所。得。藏。本。益。多。而。

會侯先生文鈔一集

卷十一

二

已卯

聞見益博。至京師日纂修明史諸公以曆志屬詳定蓋謂晉隋兩人文志實出淳風唐書曆志五代司天攷皆出劉義叟從來此事必屬專家也先生曰說者知尊郭太史授時而隨聲詆大統不知大統卽授時也但曆經旣成之後閏應轉應交應三數俱有改定又太陽盈縮太陰遲疾及晝夜永短皆有立成之表而黃赤二道相求弧矢割圖諸法及平差立差定差立法之源元史並皆缺載不可不補補之則今其時矣乃出曆草及日月五星通軌詳爲詮次以發明王恂郭守敬不傳之秘授時大統始爲完書史局服其精核於是輦下諸君子皆欲見先生或遣子弟從學

而書說亦稍稍流傳禁中臺官甚畏忌之然素性恬退不欲自炫其長以與人競會天子欲講明方員圍徑劉徽

古率與西法之得失有應召往者而先生襍被出都久矣又二年裕親王以禮延致府中稱梅先生不月餘亦辭

歸嘗病中西兩家之曆聚訟紛紜與其弟文龍文龍大發

廿一史所載曆法七十餘家及西學諸書參訂攷究各求

其立法根本與改憲源流務得其久而不得不改之端與

夫不久亦不能改之故及中西名異實同即因為創有雖

屢改而終難盡改之理一一為之撰定為古今曆法通攷

以補馬氏文獻通考之缺及邢氏律曆考之所未備稿存

會侯先生文鈔一集 卷十一 三 巳卯

篋笥歲時增改而論撰益富凡著曆學書五十餘種算學

書廿餘種其言曰曆以敬授人時何論中西吾取其合天

者從之而已天不變道亦不變故自羲和至今數千年不

過共治一事以終古聖人未竟之緒雖新法種種能出堯

典範圍乎若其測算法踵事而增如西人八線三角及

五星緯度適足以佐古法所不及至分宮置閏尙宜酌定

又其書非出一手不無矛盾瑕瑜亦不掩也且周髀算經

言北極之下朝耕暮穫以春分至秋分爲晝秋分至春分

爲夜大戴禮曾子告單居離謂地非正方漢人言月食格

於地影此皆西說權輿見於古書者矣彼驟聞西術而駭

可見西術皆吾中土所有非彼自創

與尊西太過而蔑視古法皆坐不讀書耳又曰吾爲此學

與年俱進皆歷最艱苦之途而後得簡易有從吾遊者坐

進此道而吾一生勤苦皆爲若用矣吾惟求此理大顯使

古人絕學不致無傳則死且無憾不必身擅其名也安溪

李大中丞見其書歎曰梅先生曆學趙緣督陳瓌諸人皆

不逮也爲刻其曆學疑問於大名其弟安鄉刻方程論於

泉州前此蔡璣先刻籌算於白下然於未刻書未什一也

蓋自元郭守敬以後一人而已先生他著撰詩文皆質直

自言其意茲不具論論其學之大者如此嘻可以傳矣子

以燕登祭西賢書能世其學贊曰堯典首重授時而數

會侯先生文鈔一集卷十一四 巳卯

爲六藝之一固儒者要務也而世之學者竟置高閣何也

梅先生致力四十年而始有成書後之善讀先生書者不

過歲月而已得其梗槩矣則能梓行全書以公諸海內其

津梁後學之功可勝計哉余翹首俟之

童聚上傳

先生諱升字聚上安陸令以道公之曾孫而廣文綠橋公

之孫也以政事文章世其家學父泰宇公性嗜古不屑爲

章句儒會父殞宦途絕意仕進先生少負雋才總角應童

子試邑大夫疑其倩人三復而文益工以大器期之屢試

棘闈數奇不遇鼎革後遂閉戶著述經史性理諸書皆手

錄成帙。尤邃于易。著河洛先後天解。詮次明確。拔理於箋註之外。年六十。課子。姓爲文。必親搆。數菟。頃刻立就。族姪孫浣斯弱齡。失怙。後成名進士。公誘掖之功。居多。事父至孝。自寢興。滌灑几杖。枕簟無不服勤盡力。下逮廁溷之細。爬垢雪穢。數十年如一日。待昆季。友愛無間。言生平維持風化。自任臨終。誨迪諸子。尤以是爲兢兢焉。比閭有爭訟者。公片言立解。一時號稱仁里。娶方孺人。有婦德。繼娶商孺人。文毅公之後。婉順慈淑。與君白首相敬。子長秉聖。早歿。僅遺一子。次愷。邑庠生。慷慨好義。與人交有終始。生子七次。安聖。生子二次。誕聖。生子二。皆穎敏好學。而愷督課會侯先生文鈔一集卷十一

五

辛巳

尤力後起。正未有艾云。贊曰。余先曾伯祖明齋先生與綠橋公相友善。而先府君赴試郡城。復與公同邸舍。每稱其有長者風。今讀愷行述。益嘆府君之言信而有徵。昔史遷好奇。所傳多雄豪磊落之士。而萬石君獨以循謹著。豈遂謂古今人之不相及哉。

羅門雙烈婦傳

羅維祺妻葉氏。結褵甫五月。維祺服賈于楚。三載不歸。舟過洞庭。瘴作發狂。赴水以沒。計至卽不食。求死所。親多方勸諭。氏曰。姑在堂有叔。可奉甘旨。吾志決矣。聞夫屍數日始獲。旁無親識。是否難信。他日櫬歸。切弗與之同穴。以成

我志至旬有六日乃終年二十三康熙癸亥八月十日也
塋于羅茂塋祖墳山麓

羅世榮妻許氏明甲戌進士公妣孫婦也成婚四月世榮
卽遠客維揚數載及歸而患瘵疾甚劇氏割肱療之弗愈

以康熙丙戌九月二十七日卒氏悲泣勺水不進至十月

六日念姑以是月十三日六旬初度恐屆期身殞日進稀

糜三甌少延旦夕至誕日含哀以卮酒壽姑姑亦酬以卮

酒其中蓋雜以參湯云壽畢卽拜訣入房堅卧不食以十

一月三日終年二十四塋羅茂塋與葉烈婦冢相近 贊

曰從來絕粒而死者相傳男以七日爲期女以十四日爲

會侯先生文鈔一集 卷十一 六 丙戌

期而亦無從徵信也余長女孟守節十年後爲夫營窀穸

已竣絕粒十有九日而歿今閱二烈婦行畧一餓逾半月

一餓幾一月而中間苟延食息者僅八日耳先後若出一

轍也至于葉氏恐夫之骸骨非真而不願合塋許氏因姑

之壽辰而勉強啜糜其智識皆出人意表不止從容就義

而已且奇烈出于一門尤稱盛事而羅公妣明季與金正

希先生同時起兵後正希先生使節死而羅公終身高蹈

不出人謂許氏不愧家聲焉

王烈婦傳

曩者余長女孟夫亡墜樓吞金不死塋夫屆期絕粒十九

日而歿後十有七年吾邑復有王烈婦殉夫事烈婦年十
七適珠淵章叔文子調元嘗出簪珥以佐讀值夫病三年
親視藥餌無倦容繼知病難起爲覓側室以延後嗣賢淑節烈兼而有之一室
雍睦如姊妹後病漸篤封股和糜以進及夫已就木卽服
溘自盡姑奪其半奔室投繯又爲人解救夫當小殮揚言
登樓取夫遺屨以爲陳設家人疑而尾其後則越憲墜地
矣頭臚碎裂肢體傷殘進以湯藥嚙齒不受母婉言勸之
閉目無一語旬日間絕不聞痛楚聲臨終顏色如平時又
半月前烈婦以衣笥一具囑伯母曰倘有急爲我經理及
婦亡啓視則皆自製衣衾殮具井然其立志堅確如此

會侯先生文鈔一集

卷十一

七

丁亥

贊曰烈婦與夫在殯時親屬環棺而宿夜靜微聞兩棺中
絮語皆爲髮豎一夕聞語云今可以去矣應者曰去則偕
往嗣後音響寂然其事近怪然余詢之其翁及守宿者皆
云然意靈爽不昧或出於恆情之外也歟

張蔚生公傳

余次子士儲官扶風邑令與西安別駕張君爲隣郡屬吏
歲戊子士儲以卓異陟直隸冀州牧迎余就養宦邸隨致
張君之命爲其尊人蔚生公立傳余衰耄久踈筆硯而張
君孝思罔極集四方賢士大夫序記詩誄之屬幾十萬餘
言鄙文何以加茲哉按狀君諱可立字叔粲蔚生其號也

世爲閩之福清人。自曾祖諱瑱，贈光祿大夫。以下世德相承，考諱應亮，官寧都令，贈光祿大夫。其行誼詳沈縉堂《詹誌銘》。公少而穎異，博極羣書。從兄遠，公以從龍勲，賜第京師，隸鑲黃旗。公遂應順天試，甲午乙未聯捷。是歲，詔

天下進士暨舉貢試身言書判高等者，授大邑。公擢居第二，出宰平陽縣。前令以宿逋羈留者凡六人，公慨然獨以身任，皆令回籍時。世祖章皇帝勅大臣巡行蠲荒，乃前

此奸胥作弊，以弓尺增地十餘萬，未升科而當事罷去。公亟請遵明旨，照前代弓尺，逐畝清丈。民不以加賦爲累。

丁酉行取，旨下撫軍擬薦牘以解賦不及額中罷。或謂

會侯先生文鈔一集

卷十一

八

戊子

宜亟用催科，公惻然曰：吾忍以鞭朴博功名乎？卒緩徵如初，尋奉恩詔蠲免，人以爲皆公所賜。尋復以奏最遷潼

關副使，會臺臣言邇來選擢太驟，遂量移劍州知州。劍州

寇亂，初平，彌望宿莽，典衣給之牛種，塋遺骸以萬計。臺使者并以公言檄行各屬，咸澤及枯骨焉。癸卯又以前任萊陽逃案鑿級去任，是萊邑爲累于公者甚大。而公以筮仕，牧民之初，每念及于萊人，依依如赤子之待哺也。及

丁母艱，服闋補天津鹽運司經歷，或謂公以名進士起家

已擢監司，乃貶秩幕僚，常情不無抑鬱。以遷客自處，而公

克勤其職，凡視嵯大吏，莫不敬禮如賓，而勇畧將軍趙公

引爲忘分之交。值三藩搆變。公毅然五解軍餉。出入于鋒鏑中。不敢告勞。丙辰陞興化。令地數被淮水灌注。尤以漕折爲苦。蓋明洪武初。因一富民匿稅。命槩邑加漕米二萬。其困苦與江蘓畧同。殊爲虐政。後有賢令歐陽東鳳。疏請得爲改折。本朝順治間。每石復加二錢。有奇。公蒞任。後民以水災常賦俱蠲。而此加賦五千。獨不免。歷年逋銀二萬。檄催如雨。公屢請不獲。乃率難民哭懇曰。興化以水患家愛民室。化離深心曲爲傳出可任此額外之徵乎。苟無民。何有官。惟有抱印沈水。以身殉之而已。上官感動。允爲奏免。回邑時。萬民歡呼。羅拜。名手繪爲歸舟圖。江之南北多傳玩焉。公又捕鹽窩。

會侯先生文鈔一集

卷十一

九

戊子

大盜嵯院郝侍御特補牘以聞奉 旨加級已未 命九卿舉守令之賢者司寇魏公環溪首薦公以格于河銀未完而止。而撫軍湯潛菴先生初下車環顧諸守令曰。孰爲張興化者。吾聞名久。惜以遷承德令。不能薦揚。諸君當奉爲師表。瀕行士民攀轅號慟。更倍于萊陽劍州天津時也。承德爲陪京重地。勳衛湯沐。食采什倍于民。公調劑其間。窮氓得以安堵。復創建義倉。後遇荒歉。全活者甚衆。國朝數十年。盛京無舉卓異者。有之。自公始。繼以卓異擢涼州府監督。祭西邊警大軍屯駐涼州。公力疾供億。不以病民時有悍卒。以買物毆民致死者。公激切通詳。謂此官可

棄民。免不可不伸。將軍始加卒罪。一軍肅然。甲戌陞刑部員外。戊寅轉郎中。以引年乞休。已卯春感微疾。終于通州。公儀觀修偉。孝友出于天性。事親先意。承志姑及姊妹。少年守志者。皆迎養于家。子姪孤幼。撫育無異。已子族宗。婚葬皆資助。襄事所至。必崇飾文廟。并先賢祠宇。惟萊陽有神女祠。甚靈異。師巫得爲利藪。公殿其祠。萊人始大駭。既而又大悅服。生平胸無城府。以爲睚眦必報。非長者所爲。有臨洮府某者。常欲構陷害公。及勢敗。涕泣謝罪。置之不報。所著有張子文藝二卷。留耕堂集十卷。修輿化志十四卷。新城王司寇以名世。文許之。嘗充戊子同考官。又分校會侯先生文鈔一集。卷十一。

十

戊子

戊午武闈所得皆知名士。贊曰。余嘗晤宋荔裳觀察。謂有兄某。遭誣謗。逮詔獄。籍其家金帛滿前。公毫無所利。手封貯庫。及事白。復還其家。纖毫無染。此又賢士大夫序記詩。誅所未及者。然則公之治蹟。豈可更僕數哉。姑誌其梗概如此。

曾伯祖明齋公傳

明齋公諱一。公字震卿。幼讀書。數行不能成。誦後發憤。登先月樓。去其梯。不窺園者三年。遂淹貫經史。伸紙疾書。觀者辟易。已丑成進士。文名藉甚。宣城湯賓尹嘗語人曰。先月樓草不可不讀。蓋自附於私淑云。除湖廣漢陽司理。讞

猷明允時漢川王驕恣爲害公至首撓其權會江決撫按檄公往視水災公賑濟外請蠲田稅而所隸王府租賦獨不聽蠲公遂引楚藩例上撫按移長史司卒如所請平反九府楚人祀之名宦祠擢工科給事中詔巡皇城遂劾乾清宮監張儒御馬監奉御李進一時中貴側目曰是固與漢川府相齟齬者時鄭貴妃怙寵欲以所生子正位東宮公抗疏請皇長子冊立神宗怒削其籍明年詔復官閑住又明年詔告致公諫書輒焚其草而建儲一疏海內深以弗傳爲惜焉旣而中外言者更相推轂神宗以公等二十三人各書屏間末年嘗指示太子曰此皆爲汝去國者當會侯先生文鈔一集

卷十一

十一

留爲汝用及疾大漸乃卽家起公尙寶司丞時已年七十五矣入朝熹宗詔緩步升階諮詢當世事尋陟南光祿寺少卿舉朝出餞鄒南阜先生獨後至登舟把袂劇談公舉手覺袖中有物鄒曰此金天子以養老臣者知君貧甚金陵不能旦夕至聊以爲贖亦聖明所許公不得已受之及公没于張家灣囊橐如洗而鄒金五十金封識如故蓋清白之操始終一轍也公家居時知國家隱憂在寵任闔豎國之隱憂公每飯不忘於是著歷代內侍攷十卷欲獻之當宁南阜先生一見稱善留署中故未及上後三年卽有逆璫之禍關、監、之毒流縉紳咸服公之先見然公之書又豈止爲一朝鑒哉公性至孝里

中火延燒父母殯宮公號慟奔投欲以身殉火遂熄急審視則墻圯覆棺上周緞如石槨人以爲孝感所致公退居林下幾三十年杜門自守尤專力古文詞規撫史遷而得其神法吾邑先達無出其右者所著自內侍考外有遊楚議二十一史論辨及詩文數十卷貧不能付梓天啟四年崇祀鄉賢

曾祖肖環公家傳

肖環公諱一瓚字獻卿唐天寶間始祖諱羅自江山遷遂安之泮塘後數十傳爲六世同居始祖諱相詔旌其間曰義門又四傳爲環峯公諱志涑卽高王父故公別號肖環

會侯先生文鈔

卷十一

三

云公生而穎敏淳篤七歲居母江孺人喪哀毀骨立弱冠舉于鄉壬辰登進士第觀政禮部時明神宗以嬖鄭妃故

初釋褐大節如此

有奪長謀議三王並封公上書糾首輔之失同列皆爲動色而蘭谿相以桑梓誼懸館選招之固謝勿往遂出令進賢減賦薄徭與民休息于邑舍旁置樵爨數具令受質者持一日糧自炊其中而立讞之有斗米官司之誣時環峯

公方家居將視公官邸里中有貧者以田數畝求售隨環峯公往而收其直環峯公始至見守官廉謹太息稱善而里中子慮無以爲售田計屢請于環峯公一日公解帑金數千徒手歸環峯公詰之公曰無有也環峯公曰吾曩者

貳守粵東知令事甚悉令雖廉然耗羨猶可自潤公具白

所以徵解不累民狀環峯公莞然曰審若是則不能名一

錢也豈有為人父而教子以貪者吾幸有恒產可給饘粥

汝始終勉之吾旦夕去汝歸矣瀕行以三十金獻環峯公

知為邑藏中物却勿受僅持三金以予里中之貧者卒還

其田為令三載單車入覲便道過里中僅買鍼歸遺族黨

覲回而前買鍼者為同類所訟語及鍼價公日向官市厲

民吾獨予以平值而昔時鍼價乃大浮于今何也買鍼者

叩首服曰自我公而不取贏以餬口倘安所取贏者公笑

而遣之後三載復入覲則清聲已冠天下時柄政者亦浙

會侯先生文鈔

卷十一

三

人欲陰相援引公毅然曰吾肯屈節若此何不蚤從蘭谿

公遊讀中秘書乎而吏部錢公心卓擬舉公自代嘗三過

公公堅避不見錢公嘆曰邑令何銓曹之門謁者如鬼耳

而所謂毛進賢者吾乃三往而三不見此官益非毛進賢

不可故事初入吏部者例輸前官數千金而取償于後錢

公以公廉吏遂絲毫不取世以此並高錢公焉已居環峯

公憂服闋秉銓政風清弊絕吏部固膏腴地公自同居所

遺田宅外無尺寸益曰我後人福薄毋以是為子孫累同

鄉有官吏部者語人曰銓曹美任惜大壞于毛肖環以其

餽遺俱絕故也公以事觸政府作丈夫歌見志請假歸有

以書來餉者公辭謝之已而幼子思升公侍屢目其所遺

子長之神

劍公笑曰孺子欲之乎吾爲汝受此一物足矣越日復取

視之則皆飾以金玉價可值百金公大駭立命蒼頭馳入

采似范壽宗

十里至港口舟次追其使以劍還之公天性嚴潔雖不居

官猶凜凜素絲之節若此後歷官郎中以病歸本年六十

平生所上章奏家無畱草憶際可年十歲時閱舊集見疏

稿半幅其首列薦劾者爲高公攀龍餘不能悉記矣公方

爲孝廉時邑中肩里役者家輒破有自經者公惻然傷之

及爲吏部條利弊于當事改爲條鞭之法歲省費五六千

金邑人德之公歿後爲仁賢祠以祀語詳妻祖姜大理公

會侯先生文鈔一集

卷十一

古

碑逾年復崇祀鄉賢而近有人自進賢來者謂民之俎豆

公者至今存焉

附孫鍾元先生奇逢書行狀後 先生立朝在神廟丁

未戌申之間予時遊京師凡屈指海內清真沉毅可當

大任者莫不首先生也今逾五十年矣先生之潛躍升

沉俱不聞康熙壬寅先生曾孫會侯以彰德司理顧予

夏峯論學壘壘別後又兩以書來質所疑且以黃貞父

所爲先生狀見示乃知卽神廟時都人士所稱能當大

任其人也向徒聞其名今讀其狀恍見其人矣先生早

慕文成良知之學會與龍谿握箸析疑超超有會李見

羅居幽囚中講正修之學偕同志詣獄受講達朝昏不
懈只此嗜學一念自得者深故能于得喪夷險履之若
一爲令居銓居鄉凡所施爲要以理爲主而氣赴之故
不什蓋天下無無道理之時我無所挾持以自固則禍
福死生其所以怵惕我者隨在而是寧能無介介乎先
生有本之學出處皎然不用夫則用遯其於易也深矣
貞父稱其治邑如朱邑立朝如毛玠居鄉如范希文予
謂總自其嗜學一念來孝友則真孝友清介則真清介
弘毅則真弘毅固非義襲而取之也予更有慕焉自九
十三翁六世同居元氣淳固而生先生以理學起家又
會侯先生文鈔一集

卷十一

五

三世會侯能傳其家學此豈尋常爵位名譽所可比擬
因附數言於狀後以識五十餘年景行之思

伯祖揆思公傳

公諱國典字揆思號約閣銓部公長子也弱冠補弟子員
銓部公在明神廟時掌銓政官方嚴肅竿牘爲之盡絕公
體其家教足跡不至公庭數十載如一日時武疆里役煩
苛肩其任者家立破銓部公抗議條陳或有謂公者曰此
舉甚不便於有司果行之君家門戶禍也公力勸其事卒
如議遂民得安堵輿論偉之銓部公晚多病公旦夕侍湯
藥雖中夜呼召無不應聲立至以歲薦授括蒼司訓惟以

性理詩文相課歲時修脯無所問會聖廟圯括蒼僻郡諸生貧窘不自給公謀捐貲以倡同僚有難色遂毅然獨任之會郡守視學笑曰寒氈乃能若是耶出贖鍰助焉棟宇煥然一新廟中聖賢主位皆公所手書處人立碑紀其事署雲和令絕不取民間一錢亦如銓部公宰進賢時越四載卒於官諸縫掖泣送至境外如哭私親年六十三

王父思程公家傳

思程公諱國章父曰肖環公當明神宗時三王並封肖環公以觀政進士論其非直聲大震後筮仕進賢及任吏部郎俱以清操冠天下語詳別傳肖環公有子三人伯訓導

會侯先生文鈔一集

卷十一

六

思揆公季思升公而公其仲也

伏得無痕跡

公性簡靜工制舉業弱齡

補弟子員隨肖環公京邸有樊良樞者肖環公門下士也方就試春官公指其文曰此文若在某經考房必得雋已而果然一時服公之鑒公事肖環公服勤盡孝及居憂廬墓三年足跡不至私室朝夕哭臨者如一日里中目爲孝子初肖環公有兄天而無子立思揆公爲嗣題之廟主其後修毛氏族譜思揆公謂長子不當爲人後堅辭于肖環公遂命幼子思升公嗣之後思升公漸長謂伯仲同母而吾母止子一人若出嗣伯父是吾母有子而無子也肖環公疾革時以爲嘆公慰之曰有男三人在大人可無慮後

數年肖環公嫂王孺人卒主喪無人議數日不決或謂公曰伯之名載于廟主而族譜所列又公之季弟公獨無所與也况以公之才且晚當致科第寧能三年苦塊處耶公泫然曰吾雖未有成言然父易箒時曾以言相慰今必如公言是死吾父而絕吾伯父之裔也遂爲服喪三年族例爲人後者當得祖產業之半而公仍以三分均受寸椽尺土不欲多取人尤以爲難晚年嗜學彌篤手不離研席時目昏甚凡字畫皆墨痕中斷際可兒時侍側嘗竊指示之公爲之大笑然猶日錄古詩雜文成帙也際可九歲能屬文公予以高麗硯一曰爲異日文章之瑞暨際可倅叨一

會侯先生文鈔一集

卷十一

七

第而公不及待也悲夫公以名鄉之胄未嘗晉謁公庭其後樊良樞來視浙學公絕不干以私一日偶以族中訟事隨衆赴府當事訊之公曰生素所譚者理學耳卒不能置一語當事恠且笑之其天懷真樸類若此公歿時年六十六子五人長卽際可父太素公

質甫公傳

語曰蓋棺論定蓋使人兢兢於末路焉生而傳之非古也若質甫公前萬曆庚子明齋光祿公已爲立傳時公方司訓武康年六十有四其後遷涇縣諭作令上猶以引年告歸于鄉享年八十而卒迹其生平廉介恭儉之節始終如

一日公洵不愧完人矣公諱志澹質甫其字也少孤母姚最愛公既遣就外傳傳督課嚴母聞甚悲哀遂令公徒業坐市肆逐什一利不數月毋錢折閱幾盡故事郡守歲編

爲州模處如畫

邑中之富者主守帑藏公慨然往役郡幕宣索無厭屢目攝公公媢罵曰若起家刀筆曾不足當吾一盼奈何衆中辱我郡幕訴于守守召公議讓公抗辨不爲屈會募良家子備倭或以公名竄籍中公益憤甚遂折節讀書居亡何督學使者至舉博士弟子第一人明年餞于上庠又明年以明經肄業國學五試棘闈不售授武康訓導武康士習凌競公一以禮法繩之終其任無敢操長吏長短者秩滿會侯先生文鈔一集

卷十一

六

晉學論時涇邑贛官傾圮公捐俸首葺訓諸生皆興起于學一如在武康時以直指薦擢上猶尹簡易從事遠近便之部民有以睚眦抵辟下公覆按盡得其寃狀力爲昭雪事後願請間以橐金爲壽公怒叱使去時明季崇尚資格數載而荆藩審理之命下遂毅然掛冠歸日課子姓爲制舉業性喜淡泊短褐不做盡不易里中被服纖麗者見公威望影避匿而樗蒲博奕之具直斥爲牧豬奴戲也家人有所祈禱願以優戲娛神公聞取劇本雜楮幣焚之神前日使神得時時吟諷不勝于一夕觀劇耶今公歿已七十餘年長老猶以公之行事爲少年遊冶者戒云

四明公傳

四明公諱國榮字思冲性醇謹以邑廩生膺歲薦授西安
訓導歲時課試所甄拔皆一時之雋值詭寇竊發制府檄
紹興司李陳君子龍往撫陳君至復以委公公單騎入寇
壘諭以禍福皆釋甲稽顙尋陟東陽學諭賊黨從諸暨攻
金華屠義烏城東陽告警公嬰城拒守或有援武城故事
勸以全身遠害者公正色曰吾雖爲縫掖師食君之祿直
小臣耳敢以父兄自擬乎立矢石中旬日城賴以全事聞
賜鏹獎賞鼎革後杜門不出公年逾六十而毋許宜人尙
健修澗之具公一以身任曰吾兄弟皆貧不欲使吾親知
會侯先生文鈔一卷十一
充

其有餅囂之嘆也公明齋公四子故號四明云

景坡公傳

公字景坡以夢坡公而生故名曰之蘓性坦易不知世間
有機穢事詠諧善笑里黨謂對毛景坡使人愁病俱釋與
際可同館讀書數年交好莫逆常戲語公曰公神致氣宇
大類子瞻惜文稍不逮耳公亦輟然曰所謂一蟹不如一
蟹也酷嗜堪輿家言自以爲景純復生時際可年少任誕
常非笑之而邑中方少傅公子稭莒先生亦以形家自負
每至館辨難累日見際可在側則曰吾將與方君談子姑
去及設食必呼之與俱食已復令去如是者數四以爲常

後竟破產卜地以葬其親焉乙未山寇之亂君與弟范公暨二子皆爲賊束縛去賊釋公歸而令措金以贖公盡鬻園廛至賊營語賊曰願釋弟而以二子爲質賊欲未厭公歸復百計假貸或有諷其爲後日地者公正色曰吾子甚幼或可免于賊若欲爲吾溫飽計而死吾弟乎其後弟從營壘中逸歸而二子皆以賊敗得全人以爲天之報施不爽云公歿而家益落長子體仁百里負米以分遺幼弟爲舉族所稱

毛孝子傳

孝子名周尹字藩侯予季父諱之恒長子也少予二歲性

會侯先生文鈔

卷十一

二

醇謹不甚以能文顯弱齡季父邁疾危甚孝子輟學歸服

勤罔倦予晨起問疾過之見孝子方拾束薪以裁書刀剪

削令長寸許供糜粥襲予心異之母余孺人卒孝子哀毀

骨立歲乙未山寇掠里中季父被縛以去同難幾百人慘

戮過半其生存者皆索重貲取贖孝子號泣鬻園產赴寇

營納路不得請復還寇已移營百餘里孝子百計稱貸晝

夜倍道追及之寇欲猶未饜復移營復措金追及之如是

者數四孝子力竭乃號泣請以身質而季父得歸季父歸

數日復往贖則寇已鳥獸散不可復踪跡或曰孝子流離

兵革間萬一不死未可知也嗟乎孝子代父時子僅歲餘

寫艱難贖父一段曲折盡致

爲孝仍帶讀書釋氣

此下作疑信語無限

今且二十年矣。况孝子戀其親尤倍。恒人使果在寧。有
歸者。耶。予比年宦遊。足跡幾遍天下。每至通都大邑。及絕
境窮荒。期一遇之。終不可得。孝子其真死矣。方乙未之變。
吾里中子弟同時往贖者。或。未。至。寇。營。輒。返。或。僅。能。一。再。
至。惟。孝。子。以。孱。弱。書。生。旬。日。內。五。至。寇。營。往。返。千。餘。里。足。
力。不。倦。若。有。神。相。之。者。孝。子。子。超。倫。九。歲。卽。能。屬。文。人。以。
爲。至。孝。之。報。云。
有。意。無。意。妙。
纏。綿。
應。不。甚。能。文。句。
覆。逆。一。番。哀。痛。

孀母王孺人生兄超倫甫歲餘守節撫孤兄登丁卯賢
書至祭未孺人卒兄因請旌久未入告抱痛成疾

而歿後康熙壬辰冬學使吳公中丞王公會題孝子毛

會侯先生文鈔一集 卷十一 三

周尹節婦毛王氏官給銀三十兩聽其建坊死孝苦節
久而彌彰榮膺旌表事載誌乘固足慰先大人立傳
之心而超倫兄亦可瞑目九泉也士儲謹識

受業王起東震舒訂正

孫覽輝以翔

咏虞廷

搏霄南溟

炳輝新勗

會侯先生文鈔一集

晉安林雲銘西仲

楚黃張希良石甌

後學方榮如文翰重輯

府君太素公行述

受業

柴世堂陞升

全叅

童太孺人行畧

戴熙斐男

亡女節烈述

汪總制公逸事狀

胡烈婦墓表

會侯先生文鈔一集

卷十二目

鐵崖臧公墓表

劉訥韋公墓表

建陽衛經歷童公墓表

會侯先生文鈔一集

遂安毛際可鶴舫著

男 士儀幼範
士儲待旃 全校

府君太素公行述

府君諱之履字爾旋別號太素攷族譜出姬姓毛伯之後子孫因以爲氏天寶間自江山遷於遂安之泮塘者爲始祖諱羅公後以六世同居稱義門始祖者爲希成公相又四傳而爲環峯公志溲官化州二守環峯公生肖環公一瓚前壬辰進士官吏部郎以清節著肖環公生思程公國章績學能文廬墓三年里中稱爲孝子有子五人府君最

會侯先生文鈔一集

卷十二

一

壬子

長思程公性嚴府君事父及繼母咸得其歡心撫諸弟友愛無間性廉介好施予外祖別駕童公家饒於財奇愛府君而館之別業歲暮告歸不以一物自隨別駕公笑語所知曰吾婿乃狷潔至此耶遇人有急如身受之親知假貸者焚券以十數計晚歲督工秋租田戶以稗濕克數府君置不問或詰之府君曰田戶力田作苦尙不能飽妻孥吾姑譬之鼠雀耗耳然至歲稔亦每不能自給也嗜學積書數千卷丹黃皆遍一日能數行下而腕不能赴或句讀失次不知者疑爲踈畧府君實一二闇記無悞也爲文奇肆自恣年十八補弟子員負笈於總制汪公喬年汪公奇其

材而惜其落落難合府君乃揣摩時尙爲文數十首以獻

汪公擊節稱嘆以勵其羣弟子居月餘府君謂同學曰吾

姑以此應先生之求耳安能鬱鬱繩尺間耶爲文復奇肆

如初庚午秋已擢上第主試黃石齋先生謂其文有療時

之意而以過奇置之額外嗟乎石齋先生固以奇文名天

下者也而府君竟以奇擯豈非命也夫嗣後絕意仕進尙

徉詩酒間日課際可爲文至年十九赴省試府君嘆曰孺

子文他日必能榮世然以汝文爲佳則雅非吾意若使汝

改轍從我恐悞汝生平汝就所能勉之吾不復閱汝文矣

際可於戊戌倖一第繆以文稱于天下然府君猶未之過

會侯先生文鈔一集 卷十二 壬子

許也戊申就養樂城邸嘗語際可曰吾祖作令進賢不能

名一錢子孫未嘗凍餒汝無爲後人計每聞一便民事則

竟日喜壬子夏水壞五門堰全邑民命所關際可晝夜堵

築水不爲患及歸府君倚門慰曰此行良苦爲民牧者慎

無憚一身之勞而貽生民無窮之戚昏暮尙平善如故至

翌日五鼓無疾而卒嗚呼痛哉府君素好天竺言晚而彌

篤易簣時無一語及後事端坐念佛佛號絕而日瞑矣候

至炊數斗黍許髮際尙氣出如蒸人以爲性生之驗云府

君生於萬曆丁酉五月二十四日子時卒於康熙壬子五

月二十二日丑時得年七十六以覃恩封文林郎城固縣

知縣娶童孺人繼娶徐孺人子一卽際可童孺人出娶姜氏大理寺少卿習孔公孫女廩生燮鼎公女女一徐孺人出適庚辰進士余公國禎子廩生中恬孫二長士儀邑庠生聘徐氏庠生日明公女次士儲邑庠生聘方氏東閣大學士逢年公孫女孝廉成卽公女孫女一許字丁未進士方公象瑛子引禩際可匍匐草土中神識昏惑語無倫次謹掇拾一二軼事灑血濡毫惟名公大人錫之片言以垂不朽際可世世拜仁人之賜矣

童太孺人行畧

先母童太孺人別駕公諱一陽女也年二十歸先太素府會侯先生文鈔一集

卷十二

三

壬子

君天性慈惠簡靜與人言惟恐傷之時先祖思程公治家嚴甚一果核間有未剖卽對案不食太孺人歲時上食三十年惴惴如一日妯娌姻戚餽問皆無失禮府君家故貧別駕公每有所遺輒置買書籍殆盡不爲生產計太孺人未嘗幾微見顏色也少不知書及長歸府君稍問字卽能涉獵經傳際可幼時所誦國策史記諸書悉能辯識所不解者止制舉藝耳生長姊蚤殤又十八年始生際可迨際可生而撫惜過甚然至課書則疾寒甚暑不令少輟際可九歲出應童子試邑里頗稱之太孺人不爲色喜爲文或未愜府君意太孺人微示譴責狀際可惶懼若無以自容

乃追遡其時尙不能博一青衿以稍慰旦夕望終天之痛

尙忍言哉太孺人間嘗語際可曰吾生平無大疚心事獨

七八歲時坐乳母懷中旁有小女奴戲折松枝爲鞭吾索

之固不肯與就其手攫得之卽以其鞭鞭小女奴數月後

小女奴病死念之至今猶耿耿嗟乎際可自有生來清夜

問心所可悔憾者不知凡幾而太孺人獨拳拳於無故鞭

小女奴之細故比之昔人自訟三朝宴起兩日科頭又何

殊焉太孺人生于萬曆乙未年四月初二日未時終于順

治甲申年八月初四日申時享年五十耐葬渭川先塋以

際可倖叨一命勅贈孺人餘俱詳府君行狀中不具悉

會侯先生文鈔一集 卷十二 四 壬子

嗚呼際可年甫十二而太孺人見背迄今已三十年僅能

記憶一二十于寢夢之餘又不敢浮襲古賢媛遺蹟夸詡失

真以爲此他人之母而非吾母也惟大人先生錫之片言

以光家乘際可死且不朽

亡女節烈述

亡女名孟少穎慧舉止端重如成人許字方壻引禳字奕

昭編修渭仁之仲子也年十七隨予浚儀宦邸奕昭從京

師遠來就婚時患脾疾已劇勉爲結褵五日卽移居外館

亡女日視湯藥親浣滌維謹疾革奕昭泣曰吾此來百悔

何及雖然吾敢以五日誤汝終身女曰君先行誓不相負

也。適余以卓異被徵中。遭讒搆。淹留客舍。而余婦愛女。特甚哀。至必哽咽欲絕。故於父母強爲好容。每坐私室。淚縱橫被面。時易冬。服女僮請擇其浣濯者。嘆曰。吾尙再御此耶。女僮怪問之。隨亂以他語。陰察其有死志。常防護之一夕。登樓命小婢執燈以待。使人不疑。忽墜樓下。樓高二丈。必無生理。乃肢體不損。嘔血數升。眸子黑白。淆混者數日。浚儀人士聞之。署篆者以旌其烈。自是令老婢伴其起臥。且諭以弩柩尙未得歸。勉之進食。後扶喪旋里。往依祖姑。余太孺人長齋奉大士像。足不踰閫。外事渭仁以孝聞。逮妯娒宗黨間禮意。周至無間言。十年來益刻苦減飧家庭。會侯先生文鈔一集

卷十二

五

辛未

宴集未嘗破顏。一咲日以。墓夫爲念。庚午仲冬。渭仁自武林歸。請卜墓地。且自營生壙于右。渭仁以事非可猝圖。卽悲泣不食。請益堅。有以地求售者。延師相視不佳。復悲泣。不得已多方廣求。以吉壤告。遂大喜。礮石墓碑。悉躬自經理。刻期竣事。渭仁亦心疑其故。然所言止生壙。且立繼嗣。日乞早娶婦相伴。似非旦夕引決者。十二月初三。治壙粗畢。忽不食。誓同日歸葬。置利剪于側。曰。有阻我者。卽刺喉。畢命。祖姑余太孺人委曲以勸。對曰。吾年十七墜樓不死。吞金耳環指環不死。隱忍十年。原欲得地同穴而死耳。豈至此而猶負易簣時從死之約乎。余次媳爲渭仁從妹。奉

余婦命苦諫不聽次媳跪亡女亦跪其餘婢女禁不許入

每晨沐浴登樓誦經料理諸務舉家倉皇悲慟亡女無置容亦不作激烈語澹然如平時至十二日予次子士儲從

會城奔至反復開諭語及骨肉痛切處相對哽咽徐曰人

言吾此舉宜矣舅與父母百年之後我思爲人子媳者惟

願尊人壽考豈忍預望其棄世以成吾志萌此一念已不

容誅矣若以苦守終老亦無負所天然向止許夫從死未

嘗約其守志今已歸土偷生何爲則時不可不死婦德三

從就義我出嫁女夫歿無子以同穴爲正則理不可不死况舅

有伯叔父母有兩兄吾直閑人耳則境亦可死矣願弗再

會侯先生文鈔一集

卷十二

六

辛未

言十四日拜舅及母并祖姑名嗣子纘武至囑以讀書與

嗣父生忌日辰預備衣衾悉用布素其嗣產粧奩衣飾分

析井井不亂十五日沐浴登樓辭佛足軟不能步扶掖而

下告予次子士儲曰止完吾分內事耳老父歸慎勿聽人

過詡消我冥福十六日送大士像供奉語石菴嗣此絕口

不及一事延至二十一日辰時正襟而逝計勺水不入于

口者十有九日臨死尙神情朗爽視聽不衰鄰里戚黨暨

行道之人無不以爲從容慷慨兼而有之皆唏噓泣下邑

令何侯日使人微伺于門以覘存歿未及舍殮而已命駕

來弔闔邑釀金建烈婦祠于儒學之右并請旌于各當事

咸錫額褒焉。嗚呼！亡女之歿，余適遠出，及歸而大殮已畢，不及生死一決，痛何忍言哉！予數年家居，亡女割鮮進膳，無虛日。嘗咲謂之曰：汝兄能奉甘旨，無煩復爾。俟汝兄宦遊，吾衰年病困時，賴汝維持耳。輒默不對。如是者至再。心甚訝之，孰知其志意已決，而知其必不能待也。兒輩尙欲以口舌爭之，庸有濟乎？竊謂從來以死殉夫者，在琴瑟靜好之後，恩不忍負，奮然于一決。君子以爲不死于情而死于義，至於曹文叔之妻、荀慈明之女，皆有所迫促以成其烈。若吾女止以三朝新婦稱，未亡人且舅璋父母，無不撫恤而欽重者，乃百折不回，致命遂志，殆出于天性而不可

會侯先生文鈔一集

卷十二

七

辛未

強也。亡女幼從族中佩之叔讀書署中，數歲而罷。余鹿簿書未嘗課以講讀，而書籍皆能涉躐。年十二三時，檢其繡帙，有一樹桃花影滿池之句，深爲嘆賞。然絕口不肯譚詩，及稱未亡人，案無雜書，惟烈女傳、金剛經而已。性不好名，海內賢士大夫爲墜樓詩裝成卷軸，陳其年一序，尤流布。菰林余語次及之，不一加省覽。絕粒時，或告以捐軀殉烈已格于新例，不能上聞，不若守節，可以待旌。微哂曰：吾豈爲旌表計乎？宜其臨歿而惓惓以過于詡揚爲戒也。謹瀝血書其梗概，惟當代君子表潛德之幽光焉。其吞金

事別有記附後

戊辰春余爲錢塘戴烈婦作傳有吞金不死語亡女在傍
讀之微哂曰吞金豈能死人乎余時頗訝其言至庚午冬
亡女爲奕昭卜墓矢志同穴祖姑余太孺人委曲勸諭亡
女曰吾墮樓不死復吞金耳環一對金指環二枚又不死
死志已非一日豈葬期已近而負疇昔從死之約耶遂絕
粒十有九日而歿距未死前數日若下肉塊者三人以爲
腸腐使然傾入廁中迄次年六月十九里中農家胡明仁
淘廁曬道傍其族人胡起明于淤泥中拾耳環指環各一
或疑爲銅明仁得指環一持詣宋氏質肆中願以銀七倍
易之一時喧傳競往掇拾而胡興祥之女復得耳環一與
會侯先生文鈔一集

卷十二

八

辛未

起明所得銖兩悉稱耳環曲處不能如鈎指環則如半規
而不圓意當時強嚙以吞齒痕歷歷可數也余子士儲以
銀十倍贖歸耳環今置烈婦祠指環一遺嗣子纘武而畱
其一爲傳家之珍嗚呼亡女吞金十有二年而下於臨絕
腸腐之日閨半載復出淤泥中且拾遺金者多不肯自言
而此獨喧傳於衆口而不能掩是亡女之迹愈秘而心逾
苦者鬼神若有以隱啓其機而徵渭仁行述之不妄非偶
然也遂灑泣爲之記

亡妹墜樓不死繼以吞金積十有二年至絕粒垂死時
腸腐始出奇矣閱明年復得其金於淤泥中更奇嗚呼

亡妹之死邑無老幼皆赴弔泣下隨上其實於諸當事
贖金建祠死已不朽而吞金一事死後彌彰非人所表
揚未盡而天固有以顯其奇烈也哉

士儀識

汪總制公逸事狀

憶總角時聞先府君語曰吾邑先達始終不名一錢者吾
祖銓部公及歲星汪公耳後數歲汪公殉寇難喪過里中
先府君與諸姻黨道祭哭皆失聲余雖幼亦旁立助哀公
名喬年字歲星明天啟壬戌科進士官刑部出守青州陞
登萊道視學秦中歷任三邊總制寇陷襄城死之公仕宦
不攜家室讞決告令錢穀鉤會暨督學試生儒皆身任校

會侯先生文鈔一集

卷十二

九

庚戌

閱無入幕實一子早夭故其遺事罕有能紀述者父執余

以下俱將他人口中敘述作章法鈔在段段變化

國楨曩以計借過山東有執鞭卒訊及邑里輒訝曰君里

有汪公者其嗣子邁疾吾青人士登泰山祈禳者以千計

今無恙乎曰死矣卒撫膺泣下迨余李鄴郡與青州黃綬

爲同官問之則曰吾少未習公然吾鄉人至今稱汪夫子

里諺有汪不解擔之語以其聽斷明決不俟信宿弛擔也

余繼改令陝右其故老爲余言公視學時以儉率諸生章

服盡布素校士必焚香告天誓無所私故拔置盡一時寒

士後井姓者繼公時人爲之謠曰有學莫忙須待汪有錢

莫省須待井迄今兒童猶傳誦之又曰公久歷外任卽津

要歲時無所餽遺有以竿牘至者皆峻拒不少徇羣小欲
中以法然以其名高不果值流寇潰決西事已不可爲公
時撫秦遂以邊才陟公總制名爲尊顯實假手于寇以快
其忿又余間從先府君登黃州赤壁有八十老翁舊爲公
部曲者曰公任總制未數月赴援河南師次襄城刃旣接
大帥賀人龍等久蓄異志皆潰去公孤軍城守賊圍環匝
號數十萬百道攻城公登埤坐矢石間隨機以應殺賊數
千人賊憤甚左右泣諫曰衆寡不敵公盍自爲計公怒奮
拳折其一齒無何城陷猶手刃三賊被執公罵不絕口賊
割其耳鼻磔屍而去襄人建忠烈祠以祀近常州進士陳
會侯先生文鈔一集 卷十二 十 庚戌

玉璫以文章名嘗記李頤父可從同公遇難事與其言頗

符云嗚呼當世所稱家乘墓表爲子若孫揚其祖父者事

多溢美失實今公死三十餘年遺行罕所紀述而余所習

聞則多得之於老儒退校及行道素不謀面之人可以知

公之大畧矣公有女余族祖母行也以疏屬未嘗見頃同

避地錢唐始詳訊之則亦不能具述曰公有才武膂力絕

人念四方多故嘗休沐居里輒馳騎習弓刀擊刺夜囊露

以宿不敢稍自暇佚又聞奉旨護喪歸塋數遇寇掠從吏

謂曰此死事廉吏汪公樞也若輩欲尸視之則請畱不然

橐中無物可掠也寇愕然羅拜去嗚呼公死而清節重爲

賊之所景慕如此。公故諳邊事，習勤苦，且兵單援絕，尙能嬰城殺賊，向非倖任於必，不可爲之時。遲以歲月，其雄畧必有可觀。乃忽忽不得一展，僅以身殉，爲可哀也。夫御史新安呂兆琳，與余爲昆弟，交尊人忠節公，與公死事相後。先生平嚴氣正性，亦大率相等。丙辰夏，余書忠節傳後，因類及公。兆琳訝所未聞，深爲歎慨。余退而悲公之志行，未載正史，當世賢士大夫猶未能盡知也。因襍記其所聞者如此。

胡烈婦墓表

己未春，李子雷田介同年劉君木齋來謁，以其長兄允卿

會侯先生文鈔一集

卷十二

十一

己未

之配胡烈婦行述見示，屬表其墓。且曰：吾兄弟四人，長兄卒時年二十五，仲兄季弟皆不及中壽，相繼以歿。而長兄之嗣子芳幼，恐某一旦復填溝壑，俾嫂氏之奇行烈節湮沒不傳，不徒無以慰烈婦之靈，且死無以見長兄於地下。言已復歛歔而泣，余賦性迂拙，以爲諛墓之作，誇揚失實，與世之守一官而受金暮夜變亂，是謂不然可畏非者無毫髮異。每固謝不欲爲。然間傳忠孝節烈軼事，必正襟再拜，然後執筆，不敢以不文辭。况重以劉君之命，與雷田天性沈痛之言乎。按烈婦故邑令麗明公孫女，年十七歸允卿。允卿名敬中，爲邑諸生，能文章，尤工書法。性羸弱，善病，歲壬午將赴

鄉試窮晝夜讀書病遂不起烈婦哭之慟三日後忽釋衰服盥櫛拜堂下舉家駭愕相視其姑已心知有異急扶之痛哭烈婦從容曰平時聞烈女事心輒慕之今不幸失所天又無子不忍棄死者獨生舅姑善自愛他日叔有子爲兒立嗣足矣姑與其母管夫人及隣婦來觀者皆力阻之不聽焚香柩前出其嫁時衣着之曰我死後含歛勿令男子見呼其從婢侍側遂自經死事聞臺使者將入奏請旌表遇世亂其事遂寢嗟乎從來婦之殉夫死者慮人環守必遲之旬日或強爲笑語以示不測烈婦獨明言於衆人之前而人不敢救非其平素見信於人而節烈之氣知其會侯先生文鈔一集

卷十二

十一

已未

必不可奪歟。明季甲申之變士大夫有自盡者爲其家人所救遂隱忍苟活其事固烈婦之所必不爲而烈婦之姑與母亦知大義而斷姑息之愛又並可嘉嘆也夫後雷田以其子沂承允卿嗣卒如烈婦語

鐵崖臧公墓表

康熙甲寅春余避寇武林與臧子眉錫定交後四年臧子過大梁官舍時六師蒞汴余奔走戎馬間不得晤僅餉以松臯文集而去臧子陸行至舟次發篋讀之更爲書以其先人鐵崖公行狀乞言于余書究未達已而余應鴻辭之召至都臧子復踵門來請以新刻喟亭集見示始得其狀

并所寄書情詞懇惻爲之涕泗交集及復任大梁臧子遣使敦促者至再嗟乎人子欲榮其親無所不至故隧道之石必求當世名公巨卿列銜幾數百字大書深刻觀之咸噴噴稱述以爲子孫之賢能不死其親如此臧子獨違衆而乞予文其識超于流俗遠甚且臧子方肆力古文辭而獨鄭重以請則尤不得辭也公諱岸字充儒號鐵崖按譜出魯僖伯後其卜居鼎橋者爲始祖披褐公數傳爲曾祖一齋公至考五芝公皆有世德五芝公生子八人公其仲也性端重寡言事繼母閔孺人孝待異母昆弟友愛無間伯父擁厚賞欲以爲後固辭年十四補弟子員爲文必窮會侯先生文鈔一集

卷十二

三

庚申

性理脫去訓詁嗜左傳國策諸書又喜閱冊府元龜資博雅手錄幾數百卷與同學凌忠介閔申甫周彝仲諸君結社峴山先後以科名顯公獨數奇不第忠介公嘗曰言行不苟衾影無慚者吾見惟鐵崖而已弟銓部明遠公以剛介爲東林推重念臺劉先生松陵周忠毅公扁舟相過公皆以師事之自甲申後惟研心理學嘗誠子景錫眉錫曰訓誠語可銘座右文人無行不若無文富貴不培元氣爲家門不幸事及眉錫登進士第有老父謹于路曰吾鼎革初爲某帥所逮繫幾斃公憫其無辜曲爲全活之今其子獲雋孰謂無天道歟公生平未嘗以此事語人其陰德不使人知類若此丁

西應鄉試聞閔孺人卒不入闈馳歸痛哭過哀遂患痰症
病革猶示眉錫以大學衍義命于格致誠正下錄古人格
言數則補註疏所未備以成吾志言迄而逝悲夫先生生
卒世系皆載狀中予故舉其大畧以表于墓之原

劉訥韋公墓表

康熙庚申同年劉子維烈以大行奉使河南訪余官舍以
王父訥韋公墓表見屬曰家大人之命也余嘗道過三吳
其賢士大夫暨田夫野老往往道公軼事有泣下者以爲
微公則吾郡生齒幾無子遺時已心識之竊欲紀載以附
不朽况重以通家世好之誼乎按狀公諱光斗字暉吉訥

會侯先生文鈔一集

卷十二

十四

庚申

韋其別號也世爲常州武進人少敏慧能文章乙丑登進
士第授紹興府推官分校浙閩內擢廣西道御史視長蘆
鹽政未任丁外艱服除巡視中城及巡視屯田督保河餉

以內艱歸里辛巳內計中仇者搆乙酉南中薦補河南道

總敘官位是古法

御史尋陞大理寺右丞入本朝以大理丞安撫常州經

畧洪公承疇駐江南議江寧建設三部首推公及祁公逢

吉梁公雲構又爲忌者所抑左選人司司正頌詔江西

復頌詔福興漳泉四府逾年陞工部屯田司郎中壬辰典

廣西試卒於江西南昌之行館方王師之初下江南也以

蘓州逆命欲屠其城公毅然曰蘓州漕運甲海內苟無民

安有賦况鼎革後工作方興而天下巧匠盡出吳中殺之恐無以供內府之用於是內院鄂公傳王語曰公言是遂不戮一人公後讀廉希憲傳笑曰吾初率胸臆言之不謂合古人也及奉使泉州困圍城中巡按周世科多疑嗜殺賊假爲紳士內應書以搃撼當事巡按欲按籍以誅公諦視良久曰書中篆記如出一手必贗也會郡守在座立命

解紛語不在多

取平時某某札合之果不符事遂解後移住興郡寇益熾郡城左廂失火延燒數家巡按疑其舉火應賊密檄鎮兵露刃以待聞炮聲卽盡戮之公奔告曰一廂之人豈盡應賊且日方中雖叛何能爲巡按內慚而止嗚呼公之功一

忽作總結

會侯先生文集

卷十二

五

庚申

如。德。預。爭。奇。
在三吳一在八閩所全活皆不可億計可以觀公之大矣

公尤精吏治司理越郡捕妖僧置重典一郡翕然巨寇劉香山踞海上公奉檄追襲之于羊岐焚賊五百餘艘僅以數十艘遠竄閩界兩攝邑篆皆創興水利民世世誦思之時明神宗倦勤日久士大夫門戶之習牢不可破每臺省舉劾一人必有所指授以爲報恩怨計公爲御史章疏數十上皆孤行一意竟以此兩遭遷謫意泊如也從兄綿祚公疾革公視之嚙嚙若有所言公察其意取三百金券毀之榻前凡里中利弊知無不言未嘗有所瞻望顧忌鄉黨倚以爲重公歿後尙書白公貽清太息曰訥韋死吾鄉無

人已。其生卒世係備載志中。謹舉其大畧以表于墓之原。
建陽衛經歷童公墓表

外祖復宇童公以順治甲午塋於琅關之尙書塘卜者以爲不吉。啟其窆。蟻附於棺。遂于康熙乙巳十二月改塋於烏石山。而舊誌已毀裂不可讀。至康熙乙丑際可遠遊甫歸。其曾孫以任相屬爲文以表於墓門。公諱一陽。字復宇。世爲遂安青山人。曾祖諱文淙。祖諱良桂。父蛾峯。公諱煌。皆以隱德不仕。母程孺人。蛾峯公艱于嗣。尤奇愛公幼時。相傳道傍有木魅。每經其地。蛾峯公必令公前行。而以身翼之。及年漸長。知隨行禮退縮。不欲前。蛾峯公猶強之。如

會侯先生文鈔一集

卷十二

六

乙丑

初然。公不以父愛。故稍自暇逸。日刻厲爲文章。補博士弟

敘讀書有波瀾

子復肄業南雍。謁選得楚之澧州。判屢攝邑篆。所至皆有惠政。且爲十感歌以頌秩滿。遷建陽衛經歷。公勤于職。盛暑督修城工。至。灰集。進賢冠如雪。不肯就舍。未幾遭疾卒。平生待宗黨以恩。臧獲數十指。未嘗見其疾言遽色也。配鄭孺人。明慧有幹畧。事姑程孺人至孝。程孺人家頗豐裕。而性儉。長夏日。晷苦饑。輒飲水偃臥。及孺人持家政。甘旨必備。程孺人太息不下箸。孺人笑曰。姑弟飽此家產。必不至中落也。後積累至萬金。卒如其言。視副室俞孺人如女。而俞孺人亦以母事孺人。鄉閭兩賢之。先慈得子最晚際。

詳簡而盡

敘致生動

可生而公已捐館矣甫二歲孺人疾革際可見先慈泣亦扶床而泣孺人輾然曰是兒羸瘠恐難育今其聲嗶嗶如鐘鼓吾無慮矣尋安寢而沒子二長大爲國學生俞孺人出次大展國學生鄭孺人出女一適先府君勅贈孺人鄭孺人出孫八人元孫十四人其遺澤正未有艾云

受業王 喆濬若訂正

孫 覽輝以翔

咏 虞廷

搏霄南溟

柄輝新勳

會侯先生文鈔一集

卷十二

七

乙丑

良齡 全閱

會侯先生文鈔一集

晉安林雲銘西仲

評

楚黃張希良石甌

後學方棨如文翰重輯

受業

柴世堂陞升

戴熙斐男

仝參

王烈女墓誌銘

就之童公合葬墓誌銘

采之童公合葬墓誌銘

仲庸詹公墓誌銘

羅澹岑墓誌銘

會侯先生文鈔一集

卷十三目

少宗伯史公墓誌銘

東琪李君墓誌銘

仁和半塘胡公墓誌銘

修人嚴公墓誌銘

遵廬韓公合葬墓誌銘

若谷徐公墓誌銘

范君天如合葬墓誌銘

會侯先生文鈔一集

遂安毛際可鶴舫著

男 士儀幼範
士儲待旆 全校

王烈女墓誌銘

烈女王氏名秀女開封浚儀人王碧少女也年十七許字于之瑞子天祥未幾天祥死父母知烈女至性匿不以聞將期密議改適烈女始知之一慟幾絕誓以身殉匍匐奔喪父母不能止遂與偕往是日爲天祥小祥烈女出向所映。猿。斷。腸。受聘陳之靈几躡踊絕粒者二日父母促之歸烈女願畱侍舅姑之瑞不得已令妻與女伺其臥起踰年瑞女適人

會侯先生文鈔一集

卷十三

一

丁巳

姑獨與烈女居烈女聞天祥幼育于陽武王姓已爲娶妻生子輅妻死遺孤就哺外戚烈女思自撫之爲于門宗祧計王堅不與烈女益失望適天祥大祥烈女哭祭不食終日姑倦寢烈女夜起自經是夕有大星隕於家黑白二氣自屋角間出久之乃滅警夜者怪之及曉烈女死顏色皎然如生初之瑞有刈麥刀二其一忽失去至是從烈女枕寢。室。窺。下得之益信其死志非一日矣事聞奉 旨旌表康熙丁

巳三月卜地於城南之新阡邑令毛際可爲經理其葬事嗟乎近代歸震川先生有曰女未嫁守貞非聖人之道余謂此固聖人所敬羨而不敢以槩天下之中人故爲已嫁

名。論。當。理。

者律曰一與之醮終身不改而未嫁者則不著爲令聽人之自行其意余嘗尚論往事使泰伯而嗣父封伯彛而食周粟皆不肯于聖人之道乃二人者必創古今未有之奇以求其心之無憾而後止孔子亟稱述焉倘律以震川之論將併議其爲賢智之過歟昔余曾叔祖母章亦以處女稱未亡人坐臥小樓者四十年詔旌其閭余每過墓下必展拜歛獻而去今出宰浚儀乃復再見烈女之事故不辭而爲之銘銘曰梁上之組耶床頭之鐵耶吁嗟烈女何死之決耶且詩書疇爲之稱說也

太學生就之童公偕元配余孺人合葬墓誌銘

會侯先生文鈔一集

卷十三

二

癸亥

公諱大爲字就之浙之遂安人高祖諱文淙曾祖諱良桂祖諱煌皆不仕父諱一陽行誼著于鄉里歷官建陽銜經歷所至有惠政公其長子也母鄭孺人生母俞孺人公性孝友事嫡母尤得其歡心少工舉業明萬曆間以軍興例入貲充博士弟子歲試居優等已有聲庠序間復以例罷去始肄業南雍中歲絕意仕進徜徉山水以蒔花飼魚爲樂明季歲歉捐廩粟以活饑者弟采之公早歿撫弟子秉聰如己子秉聰復天又撫其孤得以成立恩勤兩世蓋四十年如一日也公與先慈爲異母弟先慈嘗語際可曰憶幼時姊弟分戲玩具相遜竟日以藏鉤定之汝舅得佳者

請再定復如初而汝舅猶堅請不已嗟乎雖古推梨讓棗何以加茲哉又云汝舅寬厚能容僮僕有過陽爲盛怒闔門欲加箠楚輒故啟室旁之戶以待勸沮而止此先慈隱伺其意中而得之他人亦不及知也元配余氏學顏公女善持家政與公白首相敬公享年七十餘孺人享年六十
七子三長養聖次秉慧次秉樸俱庠生女一適庠生毛越
蔭孫八人孫女二人康熙癸亥十二月葬峨峰獅古坪銘
曰公處素封謙約自守怡情丘壑適意詩酒睦族賑饑
惟仁斯壽子姓鵲起貽謀孔厚勒銘九原與石不朽

太學生采之童公偕元配詹孺人合葬墓誌銘

會侯先生文鈔一集

卷十三

三

癸亥

康熙癸亥秋采之童公與其伯兄就之公卜吉葬于峨峰獅古坪而古無兄弟妯娌合葬之文際可旣追銘就之公墓復爲公志以勒于墓門之右公諱大展采之其字也考諱一陽妣鄭孺人鄭孺人子多不育公生卽寄養外家及長始歸性方嚴人不敢干以私慷慨好施予宗族嫻友皆以恩意相洽公卒遺孤秉聰甚幼後復早世而孫以昭年甫數歲今以昭又將抱孫矣俯仰五十年同輩皆無在者間有一二村僕問之皆歎息泣下共稱其賢然逸事多不可攷悲夫公先慈同母弟也先慈艱于嗣公憂慮甚切癸酉將赴試國學聞際可生甚喜曰吾往金陵當爲製綵服

未數月遘疾卒際可見時省外祖墓就之公撫惜如子而乳嫗猶曰惜汝不及見仲舅則公與先慈友愛無間益可見矣元配詹孺人有婦德守節撫孤內外肅然後公七年歿公享年三十六詹孺人享年四十三子秉聰孫以昭俱庠生其世系詳就之公志銘曰公不永其年而名未書于竹帛豈昊天之難期信善人之多厄蓋將食其報于後昆也庶百世綿詩書之澤

仲庸詹公墓誌銘

余偶遊三楚黃岡孝廉詹子士懿以文詞屬余點定已而再拜請曰先王父芝城公以壬寅歲葬于中和鄉雙柳村會侯先生文鈔一集

卷十三

四

甲子

蘇山之兆墓門片石久虛以竢當世能文之君子今先生儼然至止幸以士懿遊從之私賜之一言以慰家君二十餘年鄭重乞言之意是先生一舉而施及三世也按公諱謹之字仲庸芝城其別號也性端重博學工文弱冠卽有聲庠序間學使者葛岷瞻開濂溪書院公與譚友夏金正希劉同人諸子俱入江漢人文選中復偕兄子大有大壯肄業九峰山著三詹制義行世丙子舉於鄉時張西銘吳次尾負海內重名咸以得公爲快寓書于主司曰楚榜如庾樓公座上無非勝流而此君自異豈非孟萬年乎一時以爲知言丑辰兩試春官不第遂絕意公車後忽構意外

宵小之禍公爲門戶計復計借就職授山東濟南府推官
讞決大獄求其生而不得者輒掩泣曰此亦人子也山左
離政季掣悉隸司理又分掌東嶽祀殿皆坐獲千金公言
於上官而力却之甲午分校所登皆名宿總裁武闈尤稱
得士當軸期以循卓見徵而公引年乞休卽日就道夾道
扳轅號泣自省會至濟寧幾三百里焉明季科名之族易
以行私公獨毅然靜鎮好行其德里豪有以小忿嗾人者
受賂以分公公力勸里豪還之屈闖寇肆焰全楚騷動緡
紳大族每爲閭黨所困辱甚有挾賊以爲難者惟公踪跡
所至遠邇皆護持藏匿得免于寇晚年優游林下辛丑夏

會侯先生文鈔一集

卷十三

五

甲子

遭疾易箒時語不及亂生平著述甚富有東流草蕙園集
諸書皆爲當世所重公先世隸徽之婺源元末學士承旨
公同初宜道州學正避陳文諒亂移居黃岡遂世爲黃州
人子總憲資善公徽爲藍黨所構子孫徙居易姓者衆獨
中書君綬第五子諱樹欽者尚仍本姓八傳爲南山公景
麟隱居力學有南山子傳于世又二傳爲見龍府君諱時
明是爲公父以明經官筠連縣尹倡明理學其行實具載
江漢史徵四朝文獻及本郡鄉賢傳中子二人公其次也
享年六十有九娶雷氏有婦德先公卒別墓于武昌縣洪
道鄉之石嶺子大衍壬午舉人早卒大衝官黃陂學諭大

衢壬子副榜候補孔目側室奚氏生子文華縣學生女一
適增生陶克讓孫七人長士懿戊午舉人大衢之子卽乞
銘于余者銘曰 猗歟詹氏世有令聞百年喬木蔚爲清
門公起穉齡文被江漢不脛而馳星輝雲爛豪家贖貨公
距而驚古稱伐國不問仁人筮仕李官四知是勵趺突同
清處脂不膩投閒未老倦翻知還月波赤壁杖履追攀課
子及孫高文典冊久而彌彰詩書遺澤佳城鬱鬱蘇山之
幽于萬斯年樂哉茲丘

羅澹峰墓誌銘

順治戊戌余登進士第同出於史立菴先生之門者二十
會侯先生文鈔一集

卷十三

六

甲子

人澹峰羅君其一也余落落寡合然與君晨夕過從甚歡
其後不相見者三十餘年適遊粵東過順德而君已沒遺
孤館余石湖草堂以墓誌見屬嗚呼立菴先生墓木將拱
矣同門諸子化爲異物余獨衰老尚存得銘君幽宮之石
雖不文何敢辭按狀君諱孫耀字乃遠號澹峰廣州之順
德人始祖輝之二世祖仙翁務光子白日昇舉父諱某君
生而穎敏下帷攻苦文章蕭然出塵年少氣盛亦間以山
水聲伎自放辛卯舉于鄉乙未春闈被放署曲江學諭戊
戌殿試擢二甲例以部曹用 世祖章皇帝欲新進士諳
練吏事遂以理官之任都勻府甫一月因前官畱任有赴

部改推之命君遽歸由西粵歷徭獞瘴癘之鄉俯仰身世難進易退君于之風慨然有終老泉石之意矣嗣後堅臥不出者二十餘載輦

下諸公多方勸駕泊如也君微時嘗往來石湖愛其幽勝

指某處可爲池島某處可爲危亭複閣人皆目笑之及黔

中歸以次充拓園廣袤幾二頃環湖跨壑築蠡房爲垣周

植離支龍目諸樹構造布置日役百人悉如微時所言性

高簡制府吳公以巡海寓園中逾月欲一望顏色屢以疾

辭臬憲胡某舊爲香山令與君厚直造榻前竟不得見而

同年陳省齋視學粵東首問君近狀且欲爲君諸子進取

地君堅不往謁任滿始以一刺致候焉或謂君年力方壯

會侯先生文鈔一集

卷十三

七

甲子

不當一意高蹈致勲業無所表見不知君筮仕學博郡守

欲庇其私人君以爲貽玷宮墻法當褫革守怒欲中以危

機幸捷南宮得免而居鄉時邑令科歛虐民君爭之不得

致搆釁上聞抗言于庭事乃得直而令以譴去使公位躋

通顯嫉惡如仇未必不以此遭禍孰若優游林下以自全

其天也哉君子石湖自置生兆飲酒賦詩其中如司空圖

故事及沒堪輿家以爲不吉遂葬衣冠于其地以從治命

而卜葬於某處云云銘曰蒞萬里之蠻疆棄一官如敝

屣耗壯心于丘園任流行而坎止望之若天際之冥鴻也

而庶幾彭澤之足擬

少宗伯史公墓誌銘

公諱大成字及超號立菴始祖詔由溧陽遷浙之鄞縣詔
舉八行以母老不就屢贈太師一傳爲樞密公才再傳爲
朝散大夫浚又十餘傳爲祖諱德孝孝見峰公諱起揚皆
贈資政大夫禮部左侍郎兼翰林院學士祖妣徐氏妣
李氏俱 贈太夫人見峰公有子二公其長也公生而穎
慧絕人嗜讀書攻苦無間寒暑順治甲午舉於鄉熊鍾陵
先生時典浙試甚相器重以公輔期之明年成進士讀卷
者擬置第三 世祖章皇帝閱公卷曰文氣光昌字法敬
慎必端人也 賜第一人及第授修撰充日講官嘗 名

會侯先生文鈔一集

卷十三

八

甲子

對講周易及便殿賦詩作書 賜蟒三襲禮意優渥尋丁
內外艱 今上御極之六年恩侍讀晉侍讀學士充經筵
講官直起居注陟內閣學士兼禮部侍郎轉禮部左侍郎
兼翰林學士每朝審會議衆論紛紜公以數語折衷之盈
廷推服一同官有欲裁孝子節婦廩給者曰彼自分內事
何與 朝廷公徐曰然則爲子不孝爲婦不節亦何與於
朝廷而必以法繩之耶議遂寢又請停學使者解卷以

清陋規遂著爲令人士尤稱頌之益公生平以振興人材
爲已任嘗充成總叙有法會試同考官又主己酉武闈順天鄉試

又丙辰知貢舉充 殿試讀卷官皆敬慎盡職號稱得人

丙辰七月感風疾告歸庚申 欽賜日講四書以康熙壬

戌八月初二日考終正寢距其生明天啟辛酉十月十七

日享年六十有二公性至孝侍父疾籲天請以身代夢神

語之曰汝父尋愈矣時值元日庭桂忽盛開公取之以奉

病卽霍然起戊戌讀書中秘見峰公家居病亟命工繪其

像以書貽京師曰吾病必不起見此如見汝父汝亦繪一

小影來吾朝夕亦如見汝也公得書號慟仆地欲告歸當

軸以京官未滿六年無請假例且新奉 旨復設掌院學

士當俟之掌院蒞任之後公迫不能待遂抗疏以請卽獲

重譴勿恤情詞剴切并以父所繪圖獻奉 特恩許其終

會侯先生文鈔一集 卷十三 九 甲子

養及歸里而父見峰公已捐館辛丑服闋因母病陳情撫

軍以他故格不令上公戀戀無北上意遂家居十年時

功令凡服闋赴補愆期者削籍公居恒自笑曰人以吾爲

官侍從不知實編氓矣及母卒復以內艱入告司勳始糾

察從前滯畱之故而已逢星變肆赦矣使太夫人之歿遲

速或數月皆不免吏議其所以得全者實天祐純孝而適

逢其會然公之心則已棄一官如敝屣也待諸弟友愛無

間調恤宗黨皆獲成立邑有東崗磳關七鄉水利公創議

修築人至今利賴之居家淡泊自甘少年茹素以延親算

歷仕宦不收人傳以奉天竺教者非也臨終口占遺表以

頭觸枕北向 闕謝恩而逝元配費氏 誥贈夫人繼邵氏封夫人繼李氏封恭人子一卽在中增例國學生女二長適國學生張正簡次字生員謝緒顯孫一節濬以十二月初九日葬於某處嗚呼歲戊戌際可受知門下今二十六年矣公有八行堂詩文行世而九王制舉業凡通都大邑窮鄉僻壤無不奉爲矜式而際可制藝謬繼其後世因有史毛之目然自惟氣蔥而詞費不能如公之天機流逸也昔蘇穎濱作歐陽公神道碑距葬期已越三紀而公遺命卽以誌銘相屬在三之誼言之淚涔涔下雖不文其敢辭哉銘曰 奕奕我公起家四明長才夙異弱冠蜚聲觀會侯先生文鈔一集

卷十三

十

甲子

國之光日下無匹射策大廷擢居第一 帝奇公才恨相見晚曰予簡汝掌茲文苑挺立朝端氣懾邪佞煌煌大典多公手定忠孝爲心富貴澹若東山之臥難進易却勾章新阡馬羸歸然簪笏藏是於萬斯年

東琪李君墓誌銘

康熙癸亥春余自京師返會城聞東琪李君病革輟食往視已支離牀褥間猶口占近體贈余笑謂兩弟曰吾雖病文情猶不減昔時余私謂神明未衰或尙可起後數日訃至嗟乎曩歲在甲寅余避寇東下與西陵諸名士集家雅

黃亭堂飲酒賦詩無虛日別後忽忽十載嗣寅甸華際叔

宇台武令皆化爲異物余不得憑棺一慟今與君執手榻

前竟成永訣嗚咽可悲也夫君諱式玉號魚川東琪字也父卓

如公因課子建別墅於西湖學士橋南君肄業其中卽志

所謂李徵士芙蓉園是也年十七補博士弟子七入棘闈

于舉業外以著述自命詩在開元大曆間文摹柳歐而得

其神骨邵陽雷侍御奇君文下榻待之客燕巖瀨亭司農

最相引重蔣裕菴學士延至家塾請點定二十一史每一

篇成諸公輒遣人繕錄且曰恨無十吏寫中郎書耳性矜

慎不妄許可人有顯要人致重幣求君文君熟視之竟却

其幣辭不爲嘗館余官舍退食後以文章互質彈駁無所

會侯先生文鈔卷十三 士 甲子

徇曰吾爲子千秋計其直亮如此君少喪母營窀穸適山

有虎行旅屏跡君以時日不可易晝夜廬墓側虎卒不爲

患父沒居室爲督幕某所據君于泥淖中攀撫軍輿情詞

慘切遂命讓宅以受甲焉室燬于火構一椽煨燼中客至

以竹箔障內外更值水旱家累三十口噉噉待食不得已

應婁江之招案牘多平反嘗嘆曰吾先人入吳鱗臺幕草

疏捐逋所全活無算吾卽不敢稱善繼敢隕越哉鄉人客

遊江淮無辜陷獄君與其郡守交善冒雪行二千里營救

得釋所著有魚川初集二集巴餘集虎林雜事行于世元

配張孺人文學濟之公女事舅姑卓如公孝謹客至治具

咄嗟立辦。嫵婉能容。姬媵有膠。木風先君。沒君享年六十。
二孺人享年六十一。子五人。孫九人。孫女六人。以甲子仲
冬某日合葬于三台山之新塋。君始祖武毅公本南譙人。
明太祖時以戰功獲封爵三世祖武畧公徙家于杭。遂爲
錢唐李氏。八傳至北渠公。是爲曾祖。祖曰敬渠公。而君卓
如公之仲子也。銘曰。咎繇之裔。世爲清門。源遠流長。仙
李盤根。君承家學。左圖右史。抗懷烟霄。藐視青紫。其遇則
奮其才。已豐卓犖。不朽道亦匪窮。鬱鬱松楸。峩峩石碣。文
之有徵。以詔來哲。

仁和半塘胡公墓誌銘

會侯先生文鈔一集

卷十三

三

丁卯

余友胡君健訪余邸舍屢以尊人半塘公墓銘見屬余以
胡君交遊徧天下而惟余文是徵恐不足副孝子顯揚之

意胡君愾然曰昔裴晉公以元老碩德爲李西平王作墓

碑而論者猶謂西平之子孫含昌黎而求晉公爲失計故

碑文不甚傳夫人子欲不朽其親豈以一時名位較哉先

嚴生而苦貧愚昆弟皆令課農桑以自給而獨命健以文

學進每試必偕往饗於囊笈省視周悉俾健得專心制舉

業辛卯闈事竣復率健詣會城候榜健心怯不欲前先嚴

獨冒雨黎明至榜下健倖獲與選先嚴代赴鹿鳴宴旁觀

者指曰此新貴何齒髮之暮也同榜亦相與目笑之及詢

知始肅然執猶子禮一時傳爲美譚後乙未健雋南宮筮仕潯陽令地居四達之衝凋瘵苦于供億先嚴以清白相規且戒不得妄笞一人偶設兼味必曰毋以口腹改儒素風汝俸入不能給也爲之輟箸不下未幾健卽解組不得邀聖朝封誥之錫終天憾幾無以自容願得子一言以慰泉下言已復涕泣再拜嗟乎憶先府君嘗語際可曰鹿鳴爲朝廷大典而吾浙九稱獨盛生平恨不得與汝試畢慎毋遽歸暨丁酉之役以他事旋里榜發遂不及與宴府君猶爲之太息屈指三十年奔走薄宦中道顛躓然念府君榜前惓惓屬望之意如昨日事今聞胡君語不覺淚數會侯先生文鈔一集

卷十三

三

丁卯

行下遂執筆不敢辭按狀半塘公諱堯賓安定先生之裔也由揚州如臯遷杭屬之仁和祖諱霖考諱謙俱登仕籍有聲公性端慤處宗族鄉黨無間言生平不逆人詐與之語必正容聽受久之人亦不忍欺曰此無懷葛天民也及子登第益好行其德無貴賤皆以身下之元配全孺人安貧善操作與公白首相敬如賓公年七十有三孺人享年六十有八子五人健乙未進士官德化縣知縣以某年月日葬于某處銘曰公壽考以令終鄉邦稱善士也課其子以顯名能食貧而養志也維銘詞之徵信比太丘以無愧也蓋立德爲三不朽之一而功與言其次也

結語

語石

修人嚴公墓誌銘

君諱允肇字修人姓嚴氏石樵其別號也始祖諱達鄉自嘉定徙歸安之石溪遂世為石溪人九世祖諱敬登永樂辛丑進士為名御史官至長蘆都轉運使高祖諱而泰舉明經以子貴贈奉政大夫刑部郎中曾祖諱正心廩膳生以子貴贈刑部主事大父諱錫年十八登萬曆戊子鄉榜歷任刑部主事以子貴封大中大夫江西布政司叅議崇祀名宦鄉賢父諱爾璋字仲玉由邑庠貢於北雍母張太孺人生子三君其仲也仲玉公早喪哀毀如成人大殮之夕夢父賜之雙筆大父慰之曰雙筆者兩闡兆也汝父未竟之志其在孺子乎年十二補弟子員己丑里中群寇蜂起大父攜之遷南關新居辛卯幾雋於鄉以溢額見遺先是君伯兄逸山先生弱冠魁兩浙為君制舉業師每日凡拈一題必構七藝則題之滓垢盡而精蘊出能構七題共成四十九藝文必登峰造極幾於先正無難同人或構至三四思竭不能續君獨層見側出娓娓不窮伯兄擊節歎賞決其必售屆科試受知谷霖蒼學使餼於庠丁酉登賢書戊戌捷南宮次年王父母相繼卽世而伯父大叅公叔父銓部公皆已先沒君以名進士家居遠近於此觀禮君動循喪制酌古準今嘗自言甫十齡而孤然不自知為孤

會侯先生文鈔一集

卷十三

十四

壬午

子人亦不以孤子目之者。以有兩大人在也。今同時捐棄百身莫贖矣。辛丑殿試二甲十四名。旋丁內艱。服闋授山左壽光尹。壽故斟鄩地。土瘠民勞。供應之費。甲於他邑。且頑梗難治。君以三尺法繩之。遇良善則撫循。不遺餘力。民俗爲之一變。暇則進諸逢掖於庭。論文課藝。不數月。循聲大著。尤盡心於讞決。邑民岳玉祥爲大盜。誣指坐大辟。君白其冤狀。復得齒於平民里。長有鬻女爲婢。完課者。君惻然捐俸以贖。又親履田畝。行清丈法。而孤弱無賠糧之苦。治縣歲餘。前任譚令夙逋未清。一夕忽逸去。郡守曲元斌嫁禍於君。越數日。譚令復還。撫軍知君無辜。削籍。遂并曲

會侯先生文鈔一集

卷十三

五

壬午

守劾之士民稱快。君亦恬然處之。待譚令如平日人。尤以爲難。時值亢旱。君泣籲於上。憲請蠲正供。且自任公費不循吏苦心微此曲曲傳出以將去之。吏秦越其民得免一萬六千餘兩。殘黎得以更生。

謝事僦居境內。盤殮之。獻日無虛晷。群訝爲壽邑從來所未覩。云。瀕行。士民泣送數百里。歸里後。杜門却掃。惟與諸昆季晨夕聚首。以樂天倫。及從侄蒼任以酉戍。聯捷爲之色喜。謂二子曰。吾家自御史公發祥。以至於我。爲甲榜第七人。鄉榜第九人。今汝兄復繼起。小子獨無意乎。生平康健。忽以微疾終。惜哉。君長身玉立。無疾言遽色。人對之如坐春風中。性不苟葷衣。取浣濯蔽體。從不解權衡。子母

爲何物偶爲里人解紛感激至泣下翌日問之已忘其爲誰。天懷坦適類若此。余與君同年登第皆以房牘著稱。有十名家之目。君後專力爲詩。同榜以詩名者如王君阮亭。黃湄李君岷瞻皆推服以爲不易及。至古文詞已登作者之堂。余以安序堂文鈔問世而暑評選姓氏惟晉江林西仲及君而兩亦可見余之傾倒於君者至矣。銘曰卓矣生平立身從政而文章則更以千秋自命。然以早返初服而益工也。未知廊廟山林之孰勝。

蘧廬韓公合墓誌銘

先生諱純玉字子蘧姓韓氏浙之烏程人蘧廬其晚號也

會侯先生文鈔一集

卷十三

六

癸未

遠祖慶八公從明太祖起兵調西安前衛次子佛保畱長興高祖諱繼以孫貴贈中憲大夫配楊氏繼配劉氏皆贈淑人曾祖諱志孝贈江西左布政使右叅政配李氏贈淑人祖諱紹隆慶辛未進士歷任陝西行太僕寺卿崇祀名宦鄉賢配沈氏封淑人父諱敬萬曆庚戌會試廷對皆第一授修撰崇祀鄉賢配沈氏封孺人生子二次卽先生也殿撰公早卒所遺惟薄產二頃及詠性鳳晨二堂與伯兄分居懿親中有覲覩者先生尚幼與本生母瞿太孺人堅守之堂構得以弗墜鼎革時結茅栖賢山中伯兄爲大獄株連奔竄他鄉逮其子咸士下獄先生躬親橐篋得不死

居無何。咸士復罹法網。家屬皆應發譴。亦因先生營救。其妻女得相依同居。爲擇孫承紹焉。少補弟子員。乙酉後。遂高尚棄去。夫出處之際。古人所難。先生與吳門徐昭法。西泠汪魏美。皆各行其志。然二君子猶列前代賢書。而先生以逢掖生。附于遯世無悶之義。可以觀其大矣。于書無所不窺。尤工于詩。嘗泛棹吳聖湖。憑弔金陵石城遺蹟。偶問道瀟湘雲夢間。皆吟咏以紀其勝。所選古今詩。兼哀然成集。嘗歎自漢魏六朝三唐兩宋以來。其途甚廣。而近日學詩者。必循環步趨于歷下竟陵。譬若厭梁肉者。謂蔬蕨之可嗜。久之知其枵腹無當也。復欲攘竊于隔宿之官庖。豈

會侯先生文鈔一集

卷十三

七

癸未

非習焉。而得其偏之過歟。故選之義。一取于兼。一時以爲知言。比年同志知交俱盡。而與徐蘋村侍讀爲兒女姻家。遊從甚樂。蘋村命畫史繪吳興山水長卷。與先生並坐其中。先生亦曰。蘋村爲吾久要。但出處異耳。享年七十有九。以微疾終。嗚呼。余總角時。習殿撰公文。在文閣諸選。繼與先生一見。歡如平生。其長君希一。亦定交紀群之間。憶乙丑夏。招飲鳳晨堂酒酣。以第一流相目。余遜謝不敢當。而其時止知文行卓越。至出處大節。先生不欲自言。而今于身後始知之。則愧良友于地下久矣。然先生六十自壽文。曰。吾茲謙以保初終。過坎而識進止。則晚歲德器深造所

云知先生于身後者尚未能盡知也。夫配陳孺人家世貴盛克循婦道先生營尊人窀穸皆脫簪珥以助。又鳳晨堂久爲營弁佔踞白于當事始得復爲故業亦孺人謀畫之力居多。課子嚴而有恩子四人長獻卽希一丙子科副榜貢候選教諭次雲次雯次猷俱廩生女五人孫男九人孫女七人以康熙某年月日附于烏程縣羅山泉滋塢曾祖贈叅政南愚公墓右銘曰。雪水弁山鍾靈毓粹讀殿撰之遺書承箕裘于弗墜蓋泉石可以終老而棄簪纓如敝屣然則先生豈絕世以鳴高哉曰士固有志

若谷徐公墓誌銘

會侯先生文鈔一集

卷十三

六

乙酉

余與徐君若谷鄉會皆同年余司李豫之彰德君司李滇之臨安後先守制歸里繼值李官奉裁與君並補邑令又同應博學宏詞之徵是生平之升沈顯晦若合符契未有如吾兩人者也而始終交誼無間庶幾范張之餘風焉乙酉冬計音忽至爲位而哭其子鍾以行述屬余志墓按君諱之凱字子強別號若谷衢州西安人先世由龍溪遷居郡城高祖慕軒公以子貴封罔始知縣曾祖弘宇公前萬曆丙戌進士官至廣西道監察御史祖起寰公贈兵部主事父東柯公以拔貢任兵部世德相承爲一郡之望而君則東柯公之仲子也嫡母某太宜人母某宜人君弱冠

下帷攻苦文名藉甚丁酉闈中主司錄第五策程式多士
其司李於滇撫軍袁公深相器重凡諸疑獄悉以相委後
作令瀘陽以楊太宜人景逼桑榆陳情終養而限於功令
因有聖主未容移柳播小臣焉敢乞江湖之句無何楊太
宜人棄世再補陝西安化地瘠民貧君免荒糧數百金殘
黎得有起色未幾王逆構亂平慶相繼陷沒君身在羈囚
與一二同志以蠟丸達書督府身爲內應擒斬僞帥慶郡
復完旣而賊兵大至城遂復陷君銀鑰就逮劫以白刃毅
然不屈慶郡士民環署而泣者三日始得幽禁囚園家貲
盡皆抄沒承平之後圖大將軍採訪前事重補真寧縣令

會侯先生文鈔一集

卷十三

九

乙酉

合平慶二郡官吏復職者僅二人而君與焉旋量移茂州
交代時積逋數千不得已於原籍鬻產以應嗟乎君不以

吏爲市而反以吏故田廬蕩然可慨也夫遇計典以失印

事被議解組有勸君備述當日情事赴部伸訴者君曰宦

海風波閱歷已盡尚復戀此雞肋耶竟浩然拂衣歸居林

下二十年所著詩古文詞積至十萬餘言尤長於賦高華

奧行海內可與頡頏者不過數人余文章不逮君遠甚而

濫竊浮名君之聲稱不出於越每爲君惋惜嘗纂修邑乘

發凡起例考據精詳生平著作問世僅此一書耳銘曰

君豐於才嗇於遇末吏窮邊乃屢起而復仆然余文或與

貞珉俱永也。曰此若谷徐君之墓。

明經范君天如偕元配馬孺人合葬墓誌銘

予向蒞任樂城兩子士儀士儲隨侍宦邸欲求師席詎及
闔邑紳士或有所薦舉言人人殊惟至天如范君則翕然
稱頌如出一口居恒言笑不苟師嚴道尊獎掖弗倦尤不
於寫生喜觀劇故賓朋宴會予不敢相強卽君亦以不得與爲樂
也與人交不設城府愉戚相關必以正言相規諷間有放
蕩不羈者輒望風避匿君必呼之使前再四化導或能改
過自新爲之色喜鄉人皆以王彥方目之焉事父母至孝
居喪哀毀成疾茹蔬三年昆季友愛甚篤所得館金不問
會侯先生文鈔一集 卷十三 干 丙戌
其出入而其弟亦絲毫不相欺隱子姓同居共爨白首無
間早歲補弟子員屢試冠其偶儻於二十人中七入棘闈
歷膺同考官薦拔因數奇置之額外僅以明經終每喜讀
性理諸子書寒暑手不釋卷原配馬孺人勤儉相夫家居
課子嚴甚勲君所不逮故君設館異地無內顧憂竊謂孔
子思狂狷而謂僇者有所不爲次於中行之後如原憲諸
子足以當之跡君持身律已亦庶幾僇者之流亞歟君沒
後余兩子皆蒙 特恩陞受素中郡邑延君之長子士偉
客署中數載其嚴氣正性不愧是父是子乙酉冬遠來乞
予銘其墓石君諱翊宋字天如陝西之城固人祖崇義庠

生父清世處士皆有隱德君享年六十三孺人享年六十
四子三長士偉歲貢生次士敬士振孫三克恂克慎克怡
以康熙某年月日墓於杜家營銘曰 先生至性得全於
天孝友端慤文采蔚然蓋一時奉爲師表也而余銘復與
貞石而俱傳

受業王起東震舒訂正

孫 覽輝以翔

咏 虞廷

搏霄南溟

炳輝新坊

主

丙戌

會侯先生文鈔一集

卷十三

良齡  全閱

會侯先生文鈔一集

晉安林雲銘西仲

評

後學方棨如文勳重輯

楚黃張希良石虹

受業

柴世堂陞升

仝參

戴 熙斐男

重修汴梁黃河神廟碑

蔡忠烈公廟碑

重建遂安大成殿碑

觀察佟公去思碑

新建東山劉公祠碑

會侯先生文鈔一集

卷十四 目

重建樊川書院碑

廬陽育嬰堂碑

重修韓城縣城隍廟碑

蠲免租稅頌

募建靈巖寺疏

募修文昌閣疏

會侯先生文鈔一集

遂安毛際可鶴舫著

男 士儀幼範 士儲待旃 全校

重修汴梁黃河神廟碑

記曰四瀆視諸侯載在祀典顧江淮與濟發源或千里數千里無奔潰衝決之患惟是仕宦商賈舟楫往來於盲風疾雨怒鯨駭鰐之間往往顛號禱賽庶不至覆溺而不可救若河則出崑崙經積石至豫而爲患始劇伏秋之際支流涌集壞廬舍灌井畝甚至爲運道梗關於糧儲者甚大而其神爲最靈 聖天子懷柔百神歲時命有司致祭維會侯先生文鈔一集 卷十四 一 戊午

謹里民某因廟貌漸圯重加修葺屬余爲記竊惟神以宋室遺民效仲連蹈海之義其慷慨節烈無俟鄙言獨是防河諸務䟽排濬滄不專以人力勝固神與人參焉者也而數年來則尤托命於神蓋曩者巡河大吏下尺寸之檄則薪芻絲枲課之地畝畚鍤力作課之丁徭卽終歲奔走河干而民不敢言病近議者謂薪柳歸之於官又值軍興旁午槩從節省河銀奏銷於司空者九朝核而夕減之有司無所措其手足卽如客歲河衝常家寨受命修築揆形度務旣非人力之所能爲而縣官又不能捐萬金於泥沙其勢不至於厲民不止遂毅然以去就爭之事得終寢父老

聞之有流涕者而河亦終不至於爲害孰非神之相之也
哉。今年夏謬以博學宏詞見徵束裝就道獨念神之功德
在民不敢以不文辭也。系以頌曰。繫惟德水肇自崑崙
凌躒淮泗震盪乾坤。束以積石如物奇句司關大匠而下土弱
善崩。蟻穴不戒漏卮難捫。有神司焉樞柄攸尊。廟貌久廢
金碧皆昏。鼠雀晝集狐兔晨蹲。父老過之飲泣相存。乃謀
修復高棟崇軒。秋陳牲醴春薦蘋蘩。以酬靈貺。施及子孫
更于億載。徵我荒言。

蔡忠烈公廟碑

余道過長沙閩中鄭子璣踵門請曰。吾鄉江門蔡公明季
會侯先生文鈔一集。卷十四。二。丙寅。

嘗爲郡司李值張獻忠之變。城陷不屈。死。士民立廟。屈賈
祠左更置祭田以供禋祀。其墓道封樹秩然。芻牧有禁。暨
吳逆構亂。僧徒踞爲已有。祀田貿之豪有力者。并湮沒其
墓。歷有年所。吾鄉之有事於此方者。鳩衆効力。重葺廟貌。
俎豆一新。而墓之越在榛莽者。終匿不以告。乃籲請于署
善化令按蹟以攷得之。城南醴陵坡斷碣尙存。復上其事
于丁中丞公。中丞公令所司修墓樹碑。以禮致奠。而憲副
雲岑趙公更爲勒石。廟側更求大君子一言。以垂不朽。遂
不敢以不文辭。公諱道憲。字元白。江門其號也。閩之泉州

晉江人。年十七舉于鄉。登崇禎丁丑進士。筮仕雲南。推官

外艱歸里服闋補授長沙潔已奉公以申雪冤獄爲已任
歲壬午賊破荊州惠藩擁衆走長沙明年復陷武昌撫臣
某以衛卒千人繼至又八月襲岳州總戎某亦棄城來奔
未幾皆望風他竄壁壘一空公不得已參驕帥尹先民者
勉與共事巡城設弩殺賊無算已而尹帥師潰出降賊蟻
附入城公危坐李署賊重公才望百計欵誘不爲少屈遂
以刃加頸曰公忠臣能一笑而瞑乎公揚眉振足笑語如
平時復厲聲曰天朝何負若輩不釋甲歸命將無雉類矣
賊怒斷公足公以手麾之復斷公手繼以寸磔公且號且
詈聲聞數百步死事之慘未有如公者也事聞贈太僕寺
會侯先生文鈔一集

卷十四

三

丙寅

少卿諡忠烈嗟乎臨難捐軀爲人臣極則而有出於一時
之慷慨者若公則以死自處非一日也長沙爲蜀漢滇黔
之障用兵者所必爭然惠藩以宗室屏垣之重而某某皆
號爲封疆大吏使與公相爲犄角效死弗去猶可爲士庶
之倡乃冀延旦夕之命竄迹不遑而公以書生末吏獨置
生死于度外豈待啜血罵賊之後而始以全節予公哉又
有幹役凌國俊等九人始終從公不去賊欲其勸公以降
國俊曰使我公而屈節吾去不俟今日矣賊以刃脅之復
笑曰使吾畏死亦去不俟今日矣卒以衣裹屍哭塋畢皆
同殉公而死自非公之忠烈素見信于人區區賤隸亦何

感發而激切。若是乎。彼人臣而懷二心者。毋論爲公之罪。人卽以視國俊輩。其賢不肖。爲何如也。余向作令大梁。父老每爲言。當巨寇圍汴。固守數年。矢集闔逆之日。其勲績爲明季十餘年之冠。城潰後。嬰城以守者。皆幸乘舟北渡。得免。然至今日。已有不能舉其姓氏者。而公赫赫與常山。睢陽比烈。則公之一死。爲有明宗社之不幸。豈遽爲公之不幸也哉。銘曰。公起閩海。早捷南宮。星沙司讞。圍室爲空。生也不辰。運遘陽九。伏莽鳴張。荆襄失守。飛渡洞庭。旣潰。岳師古稱天險。與寇共之。六軍宵奔。過無留者。公以一木欲支大厦。孤忠不屈。刃攢于肌。清揚婉笑。其甘如飴。寧

會侯先生文鈔一集

卷十四

四

丙寅

殲吾軀。民不可戮。臨絕之音。百身莫續。有廟翼翼。作配靈均。左徒魚腹。精爽爲隣。伐石作碑。樹之墓門。銘詞徵實。用慰忠魂。匪徒慰忠。亦以風世。瞻拜其下。讀之隕涕。

附殉忠錄 殉忠錄者。胥役凌國俊九人殉蔡忠烈公

而死其事甚烈。余作忠烈公廟碑。旣并列之以愧夫人

臣懷二心者。未幾國俊之子文志復號泣請曰。父死時

吾母年甚少。守節撫孤。語文志以父死難事甚詳。文志

遂遍籲於當事。得以父主配食忠烈公廟。更求一言之

褒。以垂不朽。是國俊爲盡忠文志亦不失爲純孝也。昔

韓昌黎答元微之書。謂甄逢之父濟不污安祿山事。而

逢又能標白其先人載之天下耳目逢與父俱當得書則國俊父子亦當附余文以見而並及其母之苦節者也若以貴賤而區別焉豈所謂表潛德之幽光也哉惜乎其八人者姓氏已不可攷矣

重建遂安大成殿碑

三代之制國中各祀其先聖先師釋者謂如唐虞之后夔伯夷周之周公魯之孔子是也其後皆專祀孔子而學宮之有孔子廟則自魏黃初始奕世相嬗封號益崇所謂生民以來未有也遂安儒學踞邑治之西中爲大成殿攷諸志乘修葺屢見然不數十年而歸於朽敗蓋緣塗飾以苟

會侯先生文鈔一集

卷十四

五

丁卯

目前幾於傳舍視之矣邑令何侯來蒞茲土釋奠之初見棟宇傾頽危如一髮亟謀鼎建值兵燹之後時訕難以舉羸或有以重修之說進者侯毅然曰非一勞不能永逸夫人爲堂構計猶欲其經久而不壞况先聖廟貌乎遂捐俸首倡而僚屬紳士亦協謀樂輸庀材鳩工日月省試始于丙寅十月成於丁卯六月宏傑鉅麗更異舊觀屬余爲文以記竊惟學者所以學爲人子學爲人臣古人自成童入學以及四十強仕之前皆黽勉膠庠中日也攷春秋所紀如魯僖新作南門譏其勞民而闕宮之建獨不連類而並書焉况木石丹堊出于輸助不以絲髮重煩閭左者乎我

皇上親灑宸翰以萬世師表頒布直省榜諸大成殿之額昭回雲漢為千載盛事蓋聖天子之風厲學宮與有司之振興文教亦有氣類之相感召者固莽偶然也吾願釋菜而稱弟子員者始乎尊師學有次第取友送乎勤學好問終乎窮理盡性以至於命而尊主庇民訓方型俗允矣王國之禎焉庶不負矣鼎建之雅意而俎豆亦有光矣抑吾邑人文為一方之冠乃十年來賓興絕響士氣不伸今學宮落成而余之從子超倫適舉於鄉即為候季試所首得士從此科第驚興拔茅連茹以應盛世豈弟作人之化又以此舉為先聲也夫侯諱偉字五峯三韓人董其成者及捐輸會侯先生文鈔一集卷十四

六 丁卯

姓氏例得列名碑陰系之以詞曰猗歟素王載玉書中
天日月開蒙愚上丁合樂籩豆俱山城環遶聖人居風雨
飄搖寢殿虛百年將鞠為丘墟侯捐清俸非有餘節縮鹽
米茹蔬蒲金錢流水豈神輪子來恐後競奔趨高甍巨桷
耀雲衢輝煌宸藻灑驪珠特標師表風生徒整齊聲教
非補苴直登斯世為黃虞千秋文不在茲乎徵詞勒石徒
區區

觀察佟公去思碑

皇上涖極二十有七年選建封疆藩臬諸大吏肇啟維新之化而吾浙觀察佟公榮膺 寵命陟任楚藩戒行有日

浙民不能攀轅以留遂謀伐靈鷲之石紀載以垂不朽而屬余爲記竊惟夏商以前風俗醇悶未聞以去思傳惟召南甘棠之詩民歌弗翦鄭康成箋曰召公聽訟甘棠之下邦人思其人而敬其樹夫成周盛時民之沐浴膏澤服教而畏神者不能枚指乃所惓惓不忘者止在聽訟一事可見明刑之任不獨鋤抑強暴已也所以振紀綱維風化皆於是乎在固非其人未易勝任焉公初下車值閩寇震隣之後解網泣罪嚴誣告之誅省株連之贖一意與民休息兩造具陳剖悉明允每竟日不聞捶楚民皆搏頰感慟悔過自新凡鈞金束矢不以絲毫自潤而暮夜四知則尤凜

會侯先生文鈔一集

卷十四

七

戊辰

凜衾影矣整飭屬員無所旁貸及庭謁之餘則旌其廉能誨其不逮或盛暑流汗相屬左右侍立者疲劇思休而公始終無倦色咸感激自奮吏治蒸蒸日上變公右文興學進博士弟子而甲乙之所得皆知名士至于居恒儉素自甘食無兼味裘馬寶玩之好泊如也公筮仕郎署歷任延建邵暨潼商諸道皆出 聖天子不次之擢迥越恒格余嘗作令秦中自明季喪亂田畝汙萊逃亡相踵後十餘載公以推擇賢能道負乘傳勘荒悉除虛額編戶得以樂業是公之爲德於全秦者所聞旣若此合之爲德於吾浙者所

見又不謀而同將來旬宣三楚登蒼生于衽席直操券可

決耳而吾泐則如赤子離慈母之懷亦何能釋然于去後耶雖然當宁留心民莫側席求賢佇見政聲遠播簡在楓宸或重以調燮之寄或隆以節鉞之權吾浙民之蒙庥祉者正未有艾云公諱國佐號吉臣三韓人復系之以歌曰浙之峯兮天目峙公之執法兮山嶽與比浙之水兮海門潮民之戴公兮靡夕靡朝伐石兮樹銘擬畏壘兮傳令名公三載兮績有成飲和食德兮曰予父兄乘長風兮鷁首越彭蠡兮凌夏口公不可留兮惶惑奔走欲籲天聽兮九闈或守公再來兮何時擁碧油兮載雲麾撫凋瘵兮起瘡痍庶茲黃髮兮願無違

會侯先生文鈔一集

卷十四

八

戊辰

新建東山劉公祠碑

從陽古流溪地雖隸于番禺巡司唐宋以來羈縻而已明弘治間譚觀福張洪祐之徒作亂命布政使東山劉公等討平之有司請縣其地乃建縣于楊武都橫潭村賜名從化蓋取遠氓歸化之義也然邑治密邇郡城而距賊巢遼澗鞭長莫及以致羣醜蘖芽其間乘釁竊發又勞王師深入遂殲其衆僉議今流溪馬場田之間號稱沃土且去省城二百里可爲一都會宜亟徙以圖久安東山劉公復按視其地乃請徙今治而板築之功屢年不就公至則擇人授役告成于期月通志班班可攷云皇清己巳夏新鄉

郭君駿臣出宰是邑見風教衰微弦誦絕響殊非 聖天

子右文興學之至意遂倡議構書院于城南季試月課相
與講習而鼓舞之更慎選經師以訓來學之修脯不給者

且時進父老而問以疾苦越五載士風丕振而民俗亦蒸
蒸有起色闔邑遂欲以書院俎豆郭君比于畏壘之祀郭

君遜謝不遑且戒以格于功令而諄復諭之曰夫酌水
不可忘源登枝不可捐本今爾等去昏昧之俗而聲名文

物得齒于廣州十七屬者始終皆東山劉公賜也報功之

典寧容緩乎爰捐俸于書院後建閣三楹爲專祠祀公俾

從民得歲時瞻拜焉昔漢武有事南粵命樓舡伏波兩將

會侯先生文鈔一集

卷十四

九

祭酉

軍蕩平其地當世以爲勤民于遠乃自漢晉以來列版圖
奉貢職名卿哲佐後先相望加以象犀珠玉之富轉輸而
流通是其功寧不在萬世哉况公兵不逾時餉不煩費相
其形勢之所宜而易溪峒爲邑里所謂以勞定國則祀之
惟公足以當之也夫公諱大夏字時雍東山其號也天順
甲申進士湖廣華容人祭酉夏余有粵東之遊偶問道從
陽旣諾郭君之請爲文以記而從民亦謂自聞吾令君言
而嘆廟祀之已晚也復作降神之歌以貽之曰峻閣兮
崇廊剖丹雘兮薦椒漿非公闢地兮俗猶蠻荒坎坎兮鼉
鼓公之來兮祥風靈雨祛彼瘴癘兮錫我禾黍公旣醉兮

顏酖巫祝舞兮婆娑俯仰異代兮歲月多勤辭貞珉兮永不磨

重建樊川書院碑

黃巖城南五里有樊川書院卽晦翁朱子著通鑑綱目處也地舊有專祠肖像在堂俎豆弗替康熙三十二年邑人某等以庭宇卑陋公籲於撫軍張公檄行邑宰劉侯捐俸鳩工以鼎建焉正殿重簷丹碧燦爛經始於初冬閱晦朔者七而工以告成遠來乞言於余勒諸麗牲之石竊惟春秋爲史中之經閱千百年而通鑑綱目繼其後大率槩括溫公資治通鑑別爲義例所謂表歲以首年而因以著統會侯先生文鈔一集

卷十四

十

癸酉

大書以提要而分注以備言者是也蓋溫公號稱良史竟帝魏寇蜀非朱子起而釐正之古今寧有定論哉至漢之揚雄若韓退之曾子固王介甫諸子皆盛相引重而公至以爲孟荀殆不足擬乃綱目以莽大夫目之所云一字之

斧鉞非耶他若荆軻之擊秦也而書之爲盜陶潛之卒于

括全史何等筆力

撮一二事以槩

宋也而繫之以晉徵士蓋一以嚴弒逆之防一以獎忠貞之氣爲萬世立之綱維不止從一人一事起見亦無愧於

史中之經也矣攷朱子於孝宗乾道九年辭樞密編修主

管台州崇道觀淳熙八年以楊萬里薦提舉浙東常平茶

鹽未幾叅劾郡守唐仲友忤權相意遂辭新命江右提刑

再乞奉祠台觀是其宦轍所歷棲止於台獨久夫人之稱
朱子者一曰紫陽以其爲所居之里一曰考亭以其爲所
沒之鄉今樊川書院爲著書立言之地可與紫陽考亭並
峙爲三而自黃巖人士外罕識其處者宜其遠來乞言于
余以庶幾有傳于後世也先正有方正學先生爲有明理
學之宗識者謂其能私淑於朱子是役書院重新無不感
發而興起則朱子之遺風餘澤正未有艾云。系之以詩曰
猗歟夫子得統周程功。崇于敬道集其成。表章遺經窮
源竟委。臯比餘暇。手編青史。定爲綱目。述事紀年。綱倅嶽
瀆。目燦奎纒。樊川舊址。相傳奕葉。道貌儼然。七星在頰。飄
會侯先生文鈔一集 卷十四 十一 癸酉

盧陽育嬰堂碑

盧陽郡治之南景物清曠前列屋數楹其後方池澄澈亭
臺一二相爲映帶有鶴引吭鼓翼於踈篁茂樹間余顧而
樂之問之則育嬰堂也問其創造之由則今刺史見陽張
侯仁政所首及也蓋廬俗相沿溺女卽生男亦間有不舉
者夫天地之德曰生父母之於子尤以天地之心爲心者
也乃使其嚶嚶宛轉於盆盎以死此真虎狼所不忍爲可
謂慘刻之至而失其本心矣侯下車後委曲勸諭信從者

半間有不率者毅然欲以法繩之復不欲因子而罪其父
且或實有出于貧窶萬不得已者遂捐俸爲育嬰倡而大
學士李公暨紳士耆庶皆隨願樂輸一錢以上皆許彙助
焉不數年規制釐然且廣置田產并官河魚苗之利以垂
久遠慈幼保赤遂不可億計矣其最善者令乳母散處本
家每朔望止令其夫領給月糧故少婦不致往來衢路斯
不徒廣延民生而且以厚維民俗尤爲京師武林諸地所
不能及云昔句踐之霸越王濬之平吳皆留意生聚尤於
產育加厚况我國家車書一統元氣薰蒸異日助成林
事。映。帶。生。安。總之盛而備鬼置干城之任皆於此舉基之耳侯潛心濂
會侯先生文鈔一集 卷十四 十一 乙亥

洛關閩之學尤雅擅臨池常手書西銘置之座右則胞與
銘。中。語。意。結。題。妙。甚。爲懷已非一日而茲特仁政之首及也哉是爲記
重修韓城縣城隍廟碑

歲已卯次子士儲視篆韓城值城隍廟已就傾圯朔望瞻
拜惴惴焉成禮而退遂倡議修葺不踰時而告竣邑之人
士必欲得鄙言以載麗牲之石士儲於家郵中以書請者
再夫委署之員謂官評輿頌暫而非常聊爲滋潤身家之
計往往傳舍其官因以秦越其民至於棲神之宇尤其所
不暇過而問者也而士儲於數月之內卽謀修葺不幾迂
而無當乎不知神人無異理聞士儲去任之日夾道泣送

者四十餘里。且以當世所謂長生位者告諸撫軍貝公而配享太史公祠。在士儲固爲踰分而邑人士長厚之風似亦近今所罕觀也。然非神之聰明正直有以啟佑而默相之不能至此。竊謂民托庇於吏。吏亦托庇於神。故凡嚴刑峻罰。屈法行私。神得而鳩察之。至於水旱不時。疾疫見告。吏亦得呼籲而祈請之。其有功德於民一也。獨是吏自下車後。所謂爾俸爾祿者。皆民之脂膏。而神則漠然無所與。乃歲時浸久。聽其棟宇蕩爲丘墟。廟貌淪於荆棘。稍有人心者能自安乎。今按圖攷之。所謂靈佑殿。廣薦殿。則南北兩社所修也。曰德馨殿。曰西司神殿。曰鐘樓。曰絃歌樓。曰威明門。曰西枝門。曰幽贊化育坊。曰保安黎庶坊。則北社所修也。規制巨麗。爲一方冠竊。願繼自今。吏茲土者。齋心惕慮。日以對越神明。爲兢兢而凡此下民。亦凜然於福善禍淫之訓。奸宄不作。邪僻不興。庶無負聖天子懷柔百神之至意也哉。

蠲免租稅頌

有序

皇上御宇之四十三年。久道化成。厚澤深仁。與天無極。特沛綸音。謂巡幸兩浙。民物之康阜。較勝往時。宸

衷怡悅。遂蠲明年全省租賦。兼以節儉之規。訓方型俗。猗歎休哉。考綱目所書。賜天下租稅之半。僅三見焉。乃皇

上賑貸之舉。比無虛歲。而吾浙兩膺盛典。出於格外。竊

謂三十八年之免賦者。如萬物當亢旱之際。而予以甘露。

時雨之滋。至于四十四年之蠲租者。如萬物當暢遂之時。

而更益以和風瑞靄之助。繼自今太和元氣。兆為豐年。耕

九餘。三直指顧聞耳。况行幸本以視河邇來。河工告成。

指授羣工。由于睿算。可與禹貢相表裏。而鑿輅所

臨膏澤。因而下逮。則夏諺所云。吾王遊豫者。殆若為今

日而作也。至於臣長子士儀蒙特恩陞甘鎮同知。次子

士儲又蒙特恩改授扶風知縣。郡邑俱隸三秦。而四十

二年以前之舊道盡賜赦免。在官在民。均受其福。是臣

會侯先生文鈔一集 卷十四 古 乙酉

二子得偕。陝之黃童白叟。謳歌鼓舞於堯天舜日之宇內。

而臣以衰髦餘齡。亦得從兩浙縉紳之後。簪筆而稱述。以

竊比於衢謠巷頌。何厚幸也。古人謂報國惟有文章。足以

昭示海甸。垂之億萬斯年。小臣際可不揣蕪陋。拜手稽首

為之頌曰。維皇建極。兩儀儲精。為民作則。與物皆春。

東西南朔。率土來賓。蕩蕩堯仁。夔夔舜孝。養以萬邦。喬皇

徽號。問安寢門。油然而色。咲興賢視學。文教誕敷。齋宮澡德。

丙夜觀書。字輝雲漢。言成典謨。赫濯聲靈。風行雷吼。削平

叛藩。摧枯拉朽。沙漠王廷。幕南無有。湯湯淮水。用刷黃流。

神謀規畫。百職蒙庥。調其緩急。劑以剛柔。南巡屆期。

萬民延頸禹甸周原耕歛待省熙攘市廛晏安盧井雨浙
名區財賦所供卯春駐蹕肆赦勸農萬歲建亭億兆呼嵩
玉輅重來天顏有喜大法小廉和氣召祉稔黍益登
豐亨漸啟乃除田賦渙汗弘宣追呼弗擾租吏無權藏富
于民不竭之淵更容羣黎敕以樽節輿服弗奢饗殮靡缺
解愠阜財虞琴在列越水吳山祥光鬣鬣漢文減租成周
大賚聖澤汪洋超軼前代河潤九里耕足三餘瞻蒲望
杏其樂遽觀茲異數化日以舒士頌于岸農賡于野澤
叟山虞謳吟陶寫擊壤之歌亦應風雅微臣作頌樸僮無
文敢塵黼座獻曝進芹借我亞旅共樂耕耘

會侯先生文鈔一集

卷十四

五

丁卯

募建靈巖寺疏

憶總角時讀先銓部公靈巖詩九日臨三井千峯擁一泉

之句吟諷低徊思一登覽而不可得及弱冠躡屐往遊見

作靈岩小記。

怪石靈竒瘦削懸流數十仞電掣雷輓珠霏玉屑謂龍湫

雁宕之竒當不過是繼復顧瞻殿宇風雨飄搖僧徒寥寥

數人敗床折鐺饘粥不繼爲愴息移日今年秋余遠遊適

歸寺僧弘功踵門來請窺其志甚堅其願甚迫若不知爲

工費之浩繁者余駭愕色動復爲之油然而喜焉夫天下

典廢之數相等於無窮卽大雄氏之所謂成住壞空也然

推論有識

當其廢必自一人始而災祲兵革之氣應之當其興亦必

自一人始而豐穰茂育吉祥善事之氣應之固有非偶然者。維靈巖寺創于唐大曆間。迄宋天聖間。賜號廣法禪寺。而傅伯禪師丕振宗風。爲叢林之冠。乃元季山寇頻仍。化爲烟燼。至明季永樂壬辰幾六十年。而始復鼎建焉。比者承明季之後。祖庭茂草。歲月因循。暨今上之丁卯。亦幾六十年。而寺僧復以締搆爲已任。其亦由廢而興之機乎。雖我遂土瘠民貧。物力告匱。然皇上眷念民依。蠲租恤患。而司牧斯邑者。其循良又爲當世所希。觀嗣此豐年。屢告金粟充盈。而以餘力作佛事。固以此舉爲有開必先矣。

募修文昌閣疏

會侯先生文鈔一集

卷十四

六

庚午

庚午初夏。僧寂成踵門請曰。城東文昌閣已將傾圯。何侯五峯力謀修復。捐俸以倡。更願得一言以廣募焉。竊謂新定山水清勝。回環迤邐。鍾靈毓秀。而自龍溪以下。激湍奔流。無崇峯邃壑。以爲之障。風氣渙散。民生有蹙蹙靡騁之憂。科第亦因以不振。明萬曆間。令君吳公譙謙相。彤度勢於水中。積石建閣。榜曰文昌。復於北涯。豎六星亭。高栴巨甍。巍然相望。嗣是名賢繼起。冠於六邑。百餘年來。淫霖浸。嚙岸勢崩頽。亭之前楹已鞠爲茂草。而閣亦飄搖風雨。危於一髮。不能更需歲月也。夫天地缺陷之數。必得人以調劑之。然後風氣始完。而前人創始甚艱。其間興廢相尋。亦

不能不待於後賢之補葺。此何侯之惓惓於斯所以輓凋
弊而啟文明甚盛舉也。又地當孔道勞苦飢渴行者藉以
棲息而吾輩良辰美景相與蠟屐扶筇可稱遊觀之勝事
况亭奉大士像有感必應一舉而數善備焉故爲之書疏
以別。

受業王 喆濬若訂正

孫 覽輝以翔

咏 虞廷

擢霄南溟

炳輝新勗

庚午

會侯先生文鈔一集

卷十四

良齡 全閱

會侯先生文鈔一集

晉安林雲銘西仲

評

後學方棻如文翰重輯

楚黃張希良石虹

受業

柴世堂陞升

仝參

戴 熙斐男

自餘軒說

復禱湧泉洞文

醫說

謝雨文

泊菴說

祭妻伯姜元夫文

三慎堂說

歲除告祖先文

歐陽綱思字說

祭佟高岡大中丞文

會侯先生文鈔一集

卷十五

日

高立旃字說

先府君祀鄉賢告文

孫靜菴字說

重建仁賢祠上梁文

朱朗思字說

祭亡女文

八簋說

彖傳說

卦變說

好古堂說

捕虎文

禱雨九真洞文

禱雨湧泉洞文

會侯先生文鈔一集

遂安毛際可鶴舫著

男

士儀幼範

全校

士儲待旆

自餘軒說

自餘軒者予友錢君章玉顏其室後之東偏以爲燕閒偃息之區者也蓋武林地當孔道民居相屬鱗次櫛比雖達官右族曾不得咫尺園林可以遊目而憇足惟茲軒僻居

城之東隅風土閑靜清池周四五里襟帶其側每煙月淪

漣渺焉無際如寄跡鏡湖震澤間幾忘此身之在城市位

置亭臺一二絕無排比雕飾曠然如其胸次旁列素垣畫

會侯先生文鈔一集

卷十五

一

丙午

史藍田叔繪奇石數峯嵌崎歷落其外間植修篁左右相

爲掩映予短于目望之以爲真幾欲下拜就視之乃知其

爲筆墨遊戲也因借憇軒中數月不能去顧謂錢君以經

世之才不得一見于用且又以家之食指爲累似其中宜

有不足者而以自餘名軒何也或曰積善之家必有餘慶

錢君殆以自寓矣予曰否否錢君視世之寵榮福澤不啻

飛鴻野馬乃以此取必于天而顏其室當不如是陋也夫

人內無所主何往而不形其偏苟曠然有得于內雖一

丘一壑可以輕世肆志而况所居擅亭臺水竹之勝曰課

羣子姓讀書其中暇則與四方賢士大夫飛觴分韻夜以

達旦方且不知有餘之在心不足之在世寧于心而反自形其不足者歟顏曰自餘夫亦無入而不自得之義也錢君驟然而笑遂命其季子水鑑書之於壁

醫說

余令樂城三載憂幽勞瘁交攻於中尋致嘔血初以涼藥投之疾愈劇醫人徐志秦遠來視余進以養和扶胃之劑服之輒效且謂多嘔則氣逆氣逆則血湧而上升勸余端坐調息澹然內視以津嚥之不旬日平復如初余因感夫民之困于飢寒徭役而不能聊生與余之感于憂幽勞瘁而致疾者無異乃爲民上者析楊夏楚務爲刻礪以勝之會侯先生文鈔一卷十五

二

庚戌

不猶夫向之欲以涼藥已疾者歟又不然朝令夕更改教條煩設民之耳目益以紛心志益以眩不猶夫向之多嘔以助其氣逆者歟噓之以溫鎮之以靜余于治病而得治民之術焉遂作醫說贈之

泊菴說

夏子樂只卜宅於葛嶺之東而自名其居曰泊菴或曰夏子所居枕湖之濔望之汎汎然與鷗鳧相上下類乎偃帆停楫而休息乎平沙淺瀨之傍者名之以泊也固宜余曰泊之義大矣哉今夫舟行者屈指戒途過都赴國雖曠日持久而其心恬然安之一旦阻淺河渠守風洲渚以及積

雨之所濡遲嚴寒堅冰之所凝涸則焦勞拂抑儼然若不

可以終日將不樂泊翻起益人情之不樂於泊也甚矣然當其凌彭蠡涉

洞庭下巫峽浮呂梁問津錢塘身試不測之險濤驚浪駭

檣楫傾欹長年三老束手相向迴望有偃帆停楫休息乎

平沙淺瀨之傍者慕之渺然如在天上然而已無及矣夏

子負不羈之才曠然高寄間賦小詞徧紀湖山諸勝興至

則仿大癡倪迂數幅以寫胸中澹遠浩落之致偶有以榮

利相勉者夏子則高詠如此風波不可行之句以自儆蓋

幾幾乎遯世不返者與豈止以此名其居也哉或曰昔之

高流逸士有為浮家泛宅往來蒼雪間者奚必其泊之足

會侯先生文鈔一集

卷十五

三

甲寅

云余曰昔之人不以身試不測之險而止往來于蒼雪間其亦猶是泊之義也夫

三慎堂說

三慎堂者稚黃五兄之堂也五兄嘗語余以自有三慎慎

出位之思踰矩之欲與不中節之喜怒哀樂因以自名其

堂時自省焉善乎五兄之為治心也夫或謂君子于云為

之際無一之不加慎也何有于三光作兩駁或又以為三者名殊而

理實一苟得其一足以該二三之名併可不立余曰不然

古聖賢之學如農之有畔如賈之有籍可以朝稽而夕課

之以漬于大成五兄之立三者為程酌于其要而加之功

夫亦猶是已則以名其堂也固宜雖然竊疑之思不出位

者良也良之象曰不失其時其道光明是聖人之時者也

喜怒哀樂既中節矣則可以位天地而育萬物從心不踰

矩又吾夫子七十以後事也五兄年方五十餘而所事皆

聖人窮神知化之極功無乃速歟五兄曰不然思不出位

者良之所以主夫靜也靜者人生之初卽具者也喜怒哀

中節始于慎獨至于夫子十五志學說者以為所志者卽

七十從心之矩然則古人之為學必豫殆可知已此方自

恨其遲暮而子顧以為太早計何歟且夫慎者幾幾乎不

敢必之詞也吾且思循之致力敢遽謂能乎哉而子何疑

會侯先生文鈔一集

卷十五 丙寅

焉余聞之無以應徐曰五兄言是也是在相與勉之而已

矣遂為說云

歐陽綱思字說

歐陽子錦向名錫爵字序五丙寅秋始易今名則字當隸

名而起不得仍其舊也再拜而請於余余以綱思字之蓋

取衣錦尚絅之義云爾夫易曰觀乎人文以化成天下傳

曰言之無文行之不遠是宜宜昭表襮之不違而乃曰惡

其文之著非惡其文惡其著也歐陽子方以應試居高等

卽以制舉之文言之先正之論文曰帷燈曰匣劍夫燈之

用在光劍之用在鏗而帷之而匣之幾于藏其用于不試

意。外。奇。巧。

而不知其爲用方甚大也。明季文草木虫魚種種入篇，自
以爲絢爛之極，不旋踵而歸於腐敗。與朝釐正文衡楚
中熊鍾陵先生倡爲高古簡樸之章，嗣後風氣日上，號稱
極盛。歐陽子以年少穎敏之才，攻苦績學，由其所以能者
而駸駸以先正爲趨，其進孰能禦乎？然中庸推尙綱之義
而要之入德，是吾所期于歐陽子者，豈止制舉之文已哉。

高立旃字說

高子行卓求字于余，而琢如白君亦代爲之請。余字之以
立旃，其在大易恒之象曰：君子以立不易方。大過之象曰：
君子以獨立不懼，蓋立之爲義卓然如山岳之聳峙而不
會侯先生文鈔一集 卷十五 五 丙寅

可。搖奪也。然魯論又曰：可與適道，未可與立。則又必本之

在此。

于道而立始爲無弊。彼夫於陵辭祿以爲廉，季札棄國以
爲讓，鬻拳兵諫以爲忠，皆自謂卓然行其心之，所是而不
知其蹈道則未也。高子年少能文，爲白君所首得，士余故
附其名之義而勉之以道，夫勉之以道，尙有不止于立而
遽已者。高子其惟日孜孜也哉。

孫靜菴字說

癸酉春，余偶遊粵東武林，孫子踵門請曰：元芳少年好剛，
以古豪傑自命，而呂全五先生亦喜其不爲阿附之習也。
而以鏡庵字之。今馬齒漸長，意欲斂抑，退藏以幾于聖賢。

之學請以靜庵易之何如余告之曰昔子瞻以爲剛毅木納近仁非好其剛好其仁也長養成就猶恐不足而子乃歛抑退藏之是務乎雖然魯論又曰好剛不學其蔽也狂狂則動而或近于躁去其蔽宜書諸紳所學卽從靜始粵東有陳白沙先生倡明正學而大指專于主靜子殆聞其風而興起者也遂書以爲贈焉

朱朗思字說

雲間朱子彥則名其孫曰鑑而以其字屬余余謂人之明可以無所不周而自見其形必以鑑昔人云人莫鑑于流水而鑑于止水蓋未有本原之地不底于澹定寧一而能會侯先生文鈔一卷十五
六
癸酉
朗然畢照者也朱子少年力學能文章機警靈異故字之朗思以附于名之義而又告以鑑于止水之說者亦曰靜得聖學要領則生明爲吾儒致知研慮之功所始基云

八簋說

坡公在黃州自奉不過一爵一肉而曰有尊客盛饌則三之未免出于太簡惟五簋之式最爲中度先銓部公會作銘詞以示勸近日習尙豪侈宴集之間珍錯羅列卽行五簋者雖數不加多而器具餽品過于豐盈所費更不啻三倍焉是極奢而托以儉名尤世道江河之日下已今擬于尋常五簋增之爲八鮭脯筍蒲無妨間設庶幾省費惜福

之一端乎。嗣後或見招者過八筭以外，卽辭謝以退，必不敢自踰其閑而戒同志之恪守。至若故交，過從脫粟共飽，真率、勵、俗深、情、繳挽、處、見、并坡公之說，亦可有無隨分也。

象傳說

文王所繫之辭，謂之象傳之釋象也。一曰卦德，乾健、坤順之類是也。一曰卦象，震雷、離電之類是也。一曰卦體，剛柔上下、中正、比應之類是也。一曰卦變，一陰一陽自姤復來，二陰二陽自臨觀來之類是也。卦之大象與乾坤二文言亦相發明焉。然元亨利貞見于易者，七卦乾之文言言元

言亨言利言貞，析之爲四，坤之文言言貞言利言亨言元

會侯先生文鈔一集

卷十五

七

戊寅

亦析之爲四，至諸卦義取相屬直以爲大通而利于正耳。此各疏而不必相蒙者也。乾健言于大象而象不言健，坤順言于象而大象不言順，離言日而不言火，坎言水而不言月。震本卦不言動而雜徵于屯豫諸傳，此互見而意自明者也。噬嗑而亨，遯而亨，直用卦名以釋卦辭，謙之有終，頤之養正，純用卦名爲義，剛柔分之卦二十，噬嗑特以用獄著，節特以卦名亨義而兩釋之，上下敵應之卦八，而弟見之于艮止，此專指而可推類以求者也。大象專釋卦名而乾象曰天行健，則竟以健爲乾，象傳專釋卦辭而艮傳曰艮其止，則竟以背爲止。此變文以取義也。若夫卦變則

傳之所及者十有九卦其言卦變者于變之義或重故從
詳其不言卦變者非不變也或無取于變或變之義微故
從畧猶之卦體卦德卦象彖傳有及有不及一槩求之則
拘矣他若六七八九之策老變而少不變是揲著求卦之
變而非圖之所謂卦變也在初學者亦當辨之

卦變說

際可家世受易垂髫時先君嘗諄諄相勉曰經生之所爲
易不過習其章句以文詞取高第而已殊非朝廷明經取
士之意而反之于心亦有惄然未安者際可每念及輒慚
汗浹背及遊歷四方問學詩者以毛氏之序鄭氏之譜多

會侯先生文鈔一集

卷十五

八

丙寅

瞠目不知所謂而以春秋專家乃不知有左氏公穀之說
始嘆經學之衰不獨易爲然也夫易之習焉而不察者莫
如卦變試舉而論之卦變圖列卦六十有二而乾坤以純
陽純陰不與焉然六十二卦之奇皆自乾而來六十二卦
之偶皆自坤而來故曰乾坤其易之門門者變化之所從
出也亦猶大衍之數五十虛其一而不用妙萬物以爲言
者去二卦而專言六子固可比類以相觀焉爾若夫彖傳

之言變者止十九卦其不言變者非不變也彖傳以爲言
卦德卦體卦象而卦之義已足無取于變故在所畧其言
變者彖傳以爲言卦德卦體卦象而卦之義未盡故在所

詳如噬嗑自益。晉自觀。鼎自巽。皆以柔進居五爲義。卦莫尊于五。則所重在變。可知也。又如泰否二卦。以小大爲往來。而泰自歸妹。則六往而九來。否自漸。則九往而六來。固以變爲泰。否所由分矣。至賁柔來文剛。剛上文柔。而象辭因以繫焉。則非變細心體認之文。幾無以成卦也。哉。總之易之爲書。也不可遠爲道也。屢遷惟明乎。屢遷之說。則卦變之。或詳或畧。與夫卦德。卦體。卦象之。或見于傳。或不見于傳。執一以求其失。則均惟神而明之存乎。其人也夫。

好古堂說

青溪吳子敏中字求一。欲以好古顏其堂。因其名與字而會侯先生文鈔一集卷十五

九

丁亥

取義也。丁亥介嚴子北侯。請正於余。竊謂夫子以生知之聖。而猶殷殷於好古。蓋古卽堯舜禹湯就。題。開。發。醇。歸。之。言。以來相傳之道。統而好。卽堯舜禹湯以來相傳之心法也。吳子世爲右族。少工制舉業。所居園林水竹映帶左右。乃不爲燕閒游息之地。而策勵於學。此其志豈易量歟。他日夫子又曰信而好古。且自比於老彭。可見好古爲作聖之基。其德益劭而辭益謙也。然相傳老彭年七百餘歲。好廣覽古籍。以教大夫。及士。庶人。雖老不倦。余年甫逾杖國。而衰懶廢學。所好惟在園林水竹之間。對此又爽然自失矣。

捕虎文

際可待罪茲土已一載有四月矣才識闇陋不能承宣德
意以輯事寧人愆尤山積際可且自知之而况於神乎若
是則際可雖言之未必神之肯聽之也然在際可有不得
不言神有不得不聽者敢為瀝血陳之際可奉 天子命

為民司牧而天又命神以式臨昭鑒之凡以捍災禦患幽
與明有分任也每聞南北二山有虎成羣飽人之肉近接

梁生棟訴牘云有弟梁樟晨往于田為虎所攫其子振第
奮不顧身直前擁抱雖奪之虎口而已受傷殞命矣情詞

酸楚不忍竟讀切惟南北二山中因曩者六師駐漢役重
徭繁逃亡者十室有九際可蒞任以來日下招徠之令然

會侯先生文鈔一集

卷十五

十

巳酉

復業者苦於牛種子粒之不給際可竭力撫循未獲寧宇

而又兼虎患頻仍非結侶攜儔不敢舉趾田畝以致稼穡
不登上無以供 朝廷之貢賦而 聖天子所以懷柔百

神者饗祀粢盛亦將缺乏是懼蠢茲異類驅除宜早况無
辜殞斃上千天和又非若鹿豕獐兔之類可以聽其弱肉

而強食也夫虎雖惡獸然考之傳記所載若有鬼物司之
者神於山藪無所不統何憚而不屏諸境外耶若謂虎應

食人神雖靈不能禁則樟之子方在弱齡至性憤烈尚能
全父之身首豈神之靈而顧出穉子下歟此不敢為神信

也若謂縣令不能捍災禦患而神亦膜外置之是民既失

庇於令而使神不忍不忍又失庇於神將蚩蚩之氓所以歲時享賽者謂何竊疑神所不忍出也若謂縣令不賢而藉此以悚戒震動之則神胡不警督縣令之身而徒貽禍於無罪之民以克其搏噬是神又助令爲虐尤理之所萬萬必無者矣今際可不言則際可負百姓也言之而神不見聽是神不徒負百姓且負收如萬登之赴刑門聖天子懷柔百神之典而亦非上天命神分職俾其式臨昭鑒之意也伏冀速彰靈威于五日之間殲厥醜類幸甚

已酉春漢多虎患梁樟爲折尾虎所攫其子振第縋虎尾奪父屍負重創歸兄棟上訴遂作文告于城隍選擇捕會侯先生文鈔一集卷十五

土

已酉

弩入山越二日果獲二虎其一負創走死深谷中其一昇而過市振第前視之卽折尾虎也語詳誠應錄中先生精誠所格豈遜呂黎驅鱷耶

張石虹識

禱雨九真洞文

嗚呼夏秋之交不雨者彌月禾苗就枯漢之九屬皆然不獨城固一邑也夫以天之降災九屬而區區立言兵燹一令乃敢呼籲而冒請於神亦可謂不自量力而爲無益之求矣况邇者京師亢場煩聖天子憂勞步禱始能漸回天意若際可自蒞任數載其間聽斷之混淆胥役之朦蔽過或出於無心者姑不具論卽清夜捫心其果能如古之循吏歟敢

于欺神是敢於欺天也然則神之視際可不過一庸碌縣令耳以庸碌之縣令而爲此無益之求不幾徒增神怒而賜之愆耶雖然上天甚仁愛下民其所以降罰者皆因有

少委曲

再欺進一層文勢多

司之失職以及閭左之凌競侈僻有以致之夫以吏之故而貽禍于民民不任其責也卽以一二弗類之氓而并貽

又將兩意夾發

禍于萬姓俾善者無所勸而不善者無所懲似亦爲上天所不取也際可詢之父老皆云境內惟神爲最靈所禱無

不立應曷不爲一方之民請命於上帝乎卽或勢不得請

爲神開門路

竊謂如古良臣汲黯之流皆能矯詔賑饑不惟當時天子

不怒而且聲施赫赫至今以神之靈蛟螭風雷之屬無不

會侯先生文鈔一集

卷十五

十二

辛亥

統轄卽分其鱗甲噴沫之餘已足蘊一時之枯槁諒亦彼

蒼所不禁耳且九縣之中惟城固之正課荒逃無徵者以

千百計若益以秋賦不登則鞭朴愈多逃亡益衆國課民

除夾

生關係匪淺又有慮者自黃家激以下支流繁碎得水維

艱而西高渠爲最全賴雨暘時若可以望豐穰今枯涸已

極彌望俱焦其民又協力而尙氣將來爭決水道鬪訟不

已或致殺傷是民之困於桎梏囹圄而死者又不止饑斃

言至此神未有不感動者

足憫已也際可自比年憂瘁遂成嘔血之疾此神之所知

者今跋涉五十里冒暑而來非敢以區區之誠望達神聽

惟祈不以鄙棄縣令之故膜視其民且上體 聖天子憂

收拾全文

勞元元之意立賜甘霖稍慰黎庶之望或以其餘旁沾九
他邑祈請作餘步
屬總出鴻慈又非際可所敢必也

禱雨湧泉洞天

際可前因亢旱已極躬禱於九真洞之神其時麗日中天
四望絕無雲翳迨入洞禱祀之後忽陰靄翕集輕霖灑塵
是夕疾風自西北來雨如傾峽方謂秋成有望矣然不踰
時輒止豈際可始虔而終怠有以干彼蒼之怒耶抑龍雖
靈未奉上帝之命僅能相濡以沫而不能崇朝永耶今轉
盼二日正蓄極而通否窮將泰之會又聞神之顯應尤著
捷如影響故敢恭遣官耆人等特布血誠啣哀請命伏懇
會侯先生文鈔一集

卷十五

三

辛亥

復禱湧泉洞天

轉籲上天以國課不可全虧民命不可終困速賜甘霖以
蕪羣槁使人謂神之靈出于諸洞之上際可亦將不揣蕪
陋著爲歌頌播之四方以彰靈威於萬一顧不休歟

嗚呼神之聲靈彰彰也嚮者躬禱雨於九真洞未返縣而
雨隨之越二日復爲文致禱于湧泉洞夜未半而迅雷驟
雨視前夕爲加倍然民猶以爲未足也是以親率寮屬復
有今茲之請不幾再三之瀆乎雖然天不雨而神賜之以
雨是神之不欲困民以生也至於再至於三則天亦知民
之呼籲者如此其殷而不能且夕緩也神以此轉請不難

矣情迫勢窮不能擇音謹告

謝雨文

比者雨澤愆期不獨高田苗穗無望西成卽旱地之豆花
瓜菜之屬漸將零槁蒿目疚心如沉疴在躬不能靜俟曾
呼籲於龍湫諸洞之神六日之間三禱而三應且皆于秋
陽赫烈之候不移時而風馳霆掣若有神物驅之者然天
人感召之機歷歷不爽可見前此之不雨皆人事未修所
致也敢不省愆補過益清白乃心以無負上蒼照鑒之至
意謹告

祭妻伯姜元夫文

會侯先生文鈔一集

卷十五

古

辛亥

嗚呼謂造物之予翁者獨嗇耶則翁生而爲鄉尹之胄兩

起。作。疑。陣。屈。子。所。以。問。天。

尊人俱臻上壽而翁之齒亦七旬有餘矣元配方夫人白
首相莊如一日且翁之介弟卽際可之外舅也僅少公四

歲尙強飯無恙至翁之子孫數十人皆爲諸生有聲是吾

邑中所不多覩者也謂造物之予翁者獨厚耶則以翁之

才而不能博一第僅以明經筮仕下邑未幾卽遷謫以去

及佐政青齊兩給邑篆皆以正賦不克重爲身累以致不

能歸老鄉園而賁志以歿又士君子之所嘆悼而無可如

何者也祿而按之則翁之所可知者天而所不可知者人

天人一字立案

蓋公孝友端睦與物無忤和氣所致故得之于天者無不

全至其賦性磊落耻問家人生產中無城府不忍逆人之
詐且不能曲媚以奉上官故其厄于人者亦無不至然有
所。謂。立。身。自。有。本。末。識者思之寧爲此無爲彼也。際可垂髫時卽受翁國士之

知許以姻誼及際可觀政西臺翁以誦官候選晨夕過從
惟以道義文章相勉未嘗窮愁介于顏面後際可司李鄴
郡翁道過寒暑時翁以公帑賑窮懸額待補際可亦微爲
措置然視翁猶怡曠如平時私心謂翁之任運如此卽者
願未有艾也孰意際可蹇補樂城而翁竟溘然長逝乎際
可蒞任時受前令之累亦常假貸以完上之租舒民之困
今聞公計爲之愀然而悲繼返顧自念則又悚然而懼宦

會侯先生文鈔一集

卷十五

五

辛亥

鞫艱難謂之何哉且際可與亂君瑞若芬若暨方氏程稷

玉宗玉震渭仁諸子少以制莠締交語石始終無間今至

秦中甫逾年而翁之子已爲棘人矣方氏諸子後先皆有

讀禮之變老成凋謝吾邑之後進將何觀型風化將何維

挽又不獨以姻黨之戚自哭其私已也嗚呼痛哉雖然竊

嘗反覆于天人之際而知人之困翁者在一時天之酬翁

者在身後翁之食報來茲者尙未艾而翁亦可無鬱鬱于

生死得失之故矣際可鞫繫漢南不能憑棺一慟側身南

望魂夢飛越公其鑒我否耶

歲除告祖先文

嗚呼自甲寅五月山寇竊發後際可岌岌無寧宇矣遷于城西遷于巖宅遷于康源遷于梓桐徼界他若深叢密篠與夫獸嗥虺伏之境顛踣匍匐以宵爲晝又不知幾何矣五月中寇來薄邑際可從城隅亟逐幾死七月初八城破後攜兩兒遠竄復遇賊淳安道上幸賊刃置襪被中及反復解裝際可已逸去數十步追不能及至九月十七寇至里中同族千餘家十燬其八貨廬器具化爲煨燼所最痛心者六世同居之義堂規制弘敞爲一郡冠亦煨燼先府君嘗語際可曰吾幼時見構此宇梁木橫着地上兩匠左右交斲僅露其額此數百年物也方烈焰蔽空際可遙望

會侯先生文鈔一集

卷十五

六

甲寅

號慟捨地以祝曰吾私室皆可焚所冀存者惟此堂耳而冠。烟。至。此。言。之。嗚。今已矣。祖宗遺像與屋俱灰永無髣髴嗚呼傷哉且薄產數十畝皆處邑之西北逼近賊巢播種收穫杳不可問棲息旣已無地生計復爾蕩然不得已挈家三十口移寓會城庶延喘息竊念舉族遘未有之慘分居境外歲時伏臘卽麥飯菽漿恐致闕乏不供古士禮牲殺之屬不備不敢以祭則不敢以宴今家室殘燬不止無田邊豆荒涼何僅三月每讀柳子厚書馬醫夏畦之鬼無不受子孫追養以爲悲悼而吾祖宗自開元以來千餘年之血食幾同若敖之餒寧不爲之痛心泣血哉茲歲除已近時序代遷雖于

禮不備謹以酒餼告獻區區之誠尙其鑒之

祭佟高岡大中丞文

嗚呼我佟公竟棄際可而長逝耶客秋際可補授浚儀諸大僚相憫曰吾不喜子得大邑喜子得爲佟中丞屬也復覲此邦賢士大夫皆稱述如出一口冬初謁公撫署一見卽以古循吏相勉嗣後民生疾苦無不直陳公悉代爲區畫動中機宜際可以爲邑居省會耳目易周且意有所專注而然耳及隨諸屬令旅進迭見公必歷舉其邑中錢穀幾何讞決幾何與夫風俗之淳澆輿圖之險易阨塞及利病之當興革者人人如其意所欲言或且出於智慮所不會侯先生文鈔一卷十五
七
丁巳

及皆摺伏惶汗浹背公復溫辭下色勸諭殷勤舉際可爲矜式未嘗不退而感激相語以爲有公如此何忍負之公嘗建義學以興文教歲時考課際可第其甲乙而受成於公所指摘皆中經生之病卽耆儒宿學不能過今春際可有松臯文集之刻聞公篇什甚富請付諸梓公出梧友堂詩相委點定以屬吏避嫌評訂託之他氏以行世或字句偶當商榷公卽應時竄定不以芻蕘而棄之也夏杪忽患臂瘡雖晨夕省候然以病非膏肓可無深慮驟聞具疏乞休士民號泣擁門以千百計尙欲挽留如乙卯故事而公已屬纊矣嗚呼痛哉際可賦性耿介不能側媚事人惟

以不受苞苴。不畏彊禦。之血誠得白於公。而恃以無恐。今已矣。如無楫之舟。風靡波蕩。尙忍言哉。尙忍言哉。至於公歷任秦粵黔蜀。皆有惠政。際可向於各屬。公莫畧陳其概。今以苻藻之獻灑涕陳辭。故獨舉際。可受知於公者。以寫沈哀。不覺情至。而無文也。公其鑒之。

先府君祀鄉賢告文

古者鄉先生歿而祭於社。卽鄉賢之義也。近制祀於文廟。兩廡之右。必據其邑里之公。評而叅核於師儒。以達諸長吏。然後學使者從而論定之。始得祔主於位。其難且慎如此。而吾遂人風愿樸。不可以勢邀情結。故自南宋迄今五

會侯先生文鈔一集

卷十五

六

丁卯

百餘年。與祀者止二十三人。則尤不易觀之數焉。我顯考太素府君承銓部公清白遺訓。少年攻苦積學。以聖賢爲師。屢試屈於有司。庚午秋闈。俛得復失。而孝友端睦。及賑患。賑災。訓方。型俗。諸大節。卓卓在人耳目。故捐館十餘年。而同井思慕如一日。遂公籲於當事。皆蒙俞允。典禮舉行之日。歡呼拜送者幾千人。猗歟盛矣。况我皇上命天下各修志乘。而郡邑各以府君列孝義傳。并載兩浙通志。久達睿覽。合之今日之陳請。若合符契。可見秉彝在人心。固不謀而同也。昔先高祖環峯公會祖肖環公。皆祀於鄉。是南宋以來二十三人者。而我先人乃得之於祖孫三世。

較之科甲。蟬聯。僅以權位。爵服。相侈。尙者。其相去。寧止倍。
屣。歟。際可念。同鄉先生。長者發潛德之幽光。而又承在位。
諸公。闡揚不遺餘力。高厚之施。銘諸肝腑。從此益晨夕警。
凜。惟恐。隕越。不類。以貽先世。羞至於顯揚之稱。豈小子所。
敢當哉。謹告。

重建仁賢祠上梁文

伏以邑稱遺愛。經營原洽。夫人心家頌。貽謀修復。敢忘夫。
祖德。幸叶龜筮之吉。重瞻棟宇之新。邪許同聲。工師協力。
惟我曾王父肖環公。嶽瀆儀型。風霜氣節。棘闈早捷。譽布。
鴻文。蓋榜高登。名題淡墨。巖邑則主持民社。允矣馴雉之。

會侯先生文鈔一集

卷十五

九

丁卯

風。銓曹則藻鑑人倫。卓然懸魚之操。在宦績之輝煌。我聞。
在昔。乃鄉評之推重。民到于今。蓋遂爲浙水之上游。實嚴。
江之瘠土。催科從來。爲擾供億。較昔彌煩。剜肉醫瘡。早輸。
絲穀。賣兒貼婦。浪擲金錢。公目擊艱難。心存匡濟。爰集父。
老而斟酌。遂向撫按。以條陳務。使不病官。亦不病民。更期。
無濫征。亦無濫免。人共安夫田畝。戶不絕于謳吟。加以名。
重龍門。德爲人望。仰昌黎之北斗。紫氣羣瞻。識安石于東。
山。蒼生共託襟懷。濟世捐千斛。而非難。意氣橫秋。指一困。
其何惜。推獎不遺。夫後學汲引常藉。爲先聲。故當捐館之。
辰。卽有建祠之舉。奉以尸祝。獨輸萃六十里。以觀成薦。乃。

馨香俎豆爲三百年所未有。然而歲逾八紀。時閱兩朝。風雨飄搖。棟梁摧毀。蠹穿巨桷。幾疑科斗之文。鼠穴危墻。難辨龍蛇之畫。際可拂拭。遺碑低徊。殘址倘再謀將。伯恐勝蹟之遂湮。敢獨任仔肩。庀良材而重構。美輪美奐。較勝疇昔之觀。肯構肯堂。稍遂從前之願。聲繞梁而共和。語逐兒童。思潤屋而非夸情。殷祖考。

東 不羨當年謝傳官。從此棠陰常弗翦。獅山佳氣自

龍葱

西 先賢遺澤在蒸黎。千秋華表歸來後。指點高躋望

不迷

會侯先生文鈔一集

卷十五

三

丁卯

南 流水堦前淨似藍。若問昔年遺愛事。尙留故老髮

鬢鬢

北 高山仰止情何極。百年遺址更重興。果爾翬飛與

鳥革

上 仁賢二字題銀榜。樂公有社冠。公祠爭似鄉邦推

德望

下 昔日荒庭今大厦。父老猶然頌斗山。子孫慎弗忘

弓冶

伏願上梁之後。俎豆常新。蒸嘗弗替。世守丹鉛之業。讀萬卷。以出應昌期。家傳清白之箴。稟四知而無慚。暮夜共效

松竹之頌允爲桑梓之光

祭亡女文

嗚呼汝之死也吾適有維揚之行及歸而汝大歛已數日神思慘切不能爲文以哭今距汝死四十九日矣大雄氏所謂滿七之期而吾邑風俗閉靈止弔凡親黨朝夕哭奠之禮亦於是告終焉遂以清酌蔬菓之儀告於靈前而言曰女子以烈著者多矣刎頸沉淵往往奮然於一決未有絕粒十有九日悠然待終如汝之從容就義者也夫汝之守節旣無飢寒之患亦無逼迫之虞遲之數十年可以邀旌揚之典今日之死已格於功令而不能上聞汝

會侯先生文鈔一集

卷十五

三

辛未

明知之而竟矢志堅決百折不回且不能緩之旬日以待出方無入阻我其死志久決矣吾之一面而未訣也曩者歲在庚申亡壻奕昭就婚汴邸

脾病已劇甫結縭五日卽出外館就醫未幾去世致喪昭有悞汝終身之嘆以常人度之私心不無怨尤而汝毅然有從死之約危樓下墮垂斃復甦自李高陽公以下皆有詩文以旌其烈至吞金不死未嘗告入而出於臨絕之口因憶戊辰春余爲錢塘戴烈婦立傳吞金指環不死汝時在傍讀之微哂曰金環豈遽能死人乎吾頗訝其言孰知其得於身歷也此番絕粒聞汝兄士儲勸汝待之舅姑父母百年之後汝謂爲人子媳者而預期其尊人何時棄世

以畢吾志。卽此一念。已不容于誅矣。聞者皆縮舌而退。更

置利剪於側。若欲相強。卽刺喉自盡。雖舉家環泣。不敢輕以湯水進。嗚呼。嘗讀醫乘。餓死者。男子以七日計。女子以十四日計。不過爲極量之詞耳。世豈有絕粒而至十九日者。汝於臘月初三後。勺水不入於口。至廿一振襟而逝。每晨。區畫家事。所奩產業衣飾。分析妯娒子姪輩。卽器具亦散給親疎。有差沐浴。唄誦禮佛。陽。陽。如平時。無愁。怛。痛。楚之狀。似爲古今不經見之奇。然前後十九日中。姻戚女婢勸解。省問。暨護視。榻前者。日不下十數人。至於送所供大士入語石山。以首叩榻額。血殷然數里間。幢旛載道。觀者

會侯先生文鈔一集

卷十五

三

辛未

無不太息泣下。卽邑侯何公亦悲悼嗟異。微使人往來于門。以覘存歿。未及含殮而已。命駕來吊。其赫赫在耳目。若此。故吾歸途。所歷數百里外。人人傳頌。如出一口。及歸讀汝舅方涓仁行畧。五內欲裂。而人猶以爲非筆墨所能竟也。汝惟澹泊久屏葷血。遺命衣衾皆布素。更傳語相誠。弗過爲詡揚。以消冥福。然忠孝節烈如天地間。日星河嶽。不可得而泯沒。况臨終亦聞鼓樂自遠。而至恐事涉異聞。不欲載之行畧。生爲烈婦。死爲明神。理所固然。爲父母者。亦可以無憾。而念汝十九日中。咽斷腸枯之苦。又何以爲情也。

受業王起東震舒訂正

孫覽輝以翔

咏虞廷

搏霄南溟

炳輝新塲


良齡  今閱

10015

會侯先生文鈔一集卷十五

三



受業王起東震舒訂正
孫覽輝以翔
咏虞廷
搏霄南溟
炳輝新塲
良齡  今閱

